

摘藻堂四庫全書薈要

史部

欽定四庫全書薈要卷七千四百四十三 史部

御定資治通鑑綱目卷三十一

起戊午明神宗萬曆四十六年  
盡庚申明光宗泰昌元年

凡三年

戊午 四十六年春二月賑廣東饑

以 上年

災故也

三月賑陝西饑

四十五年陝西西安南寧等州縣俱被災以應解稅  
監正耗銀二萬二千兩延綏晉糧衙門贓罰銀三千  
兩并留茂稅銀  
一年分別賑濟

夏四月京城壕水赤

自正陽門外至宣武門約三里餘河水盡赤深如漬血經月乃止

**質實**

正陽門京城南曰正陽門元至

元四年建曰麗正門明初因之正統四年改今名宣武門京城南之右曰宣武門元至元四年建曰順承門明初因之正統四年改今名

大清兵克撫順

時我

太祖高皇帝親率步騎兵二萬進發臨行書七大恨告

天其詞曰我之

祖父未嘗損明還一草寸土明無端啓釁邊陲害我

祖父恨一也明雖啟釁我尚欲修好設碑勒誓彼此毋越疆圉

越者見即誅之見而故縱殃及縱者明復渝誓

言還兵越界衙助葉赫恨二也明人於清河以南江岸以北每歲竊踰疆場肆其掠奪我邊警行誅明負前盟責我擅殺拘我廣寧使臣納古里方吉納挾取十人殺之邊境恨三也明越境以兵助葉赫俾我已聘之女改適蒙古恨四也茶河三岔撫安三路我累世分守疆土之眾耕田藝穀明不容刈獲遣兵驅逐恨五也邊外葉赫獲罪于

天明乃

偏信其言特遣使臣違書詬罵肆行凌侮恨六也昔

天既授

哈達助葉赫二次來侵我自報之我哈達之人矣明又黨之挾我以還其國已而哈達

天厭呼

數被葉赫侵掠初呼倫諸國合兵侵我改倫敗斃惟我是眷今明助

天棄之葉赫抗

天意倒置

是非罔為判斷恨七也因此上大恨是以征之隨

告諸貝勒大臣凡俘獲之人勿去衣服勿淫婦女勿離異其匹配拒戰而死者聽其死歸順者勿加誅戮

嚴論畢遂趨撫順以四月甲辰昧爽圍其城執一人  
遺書諭進擊李永芳降永芳得書冠帶立城南門上  
言納款事又令軍士倚守具我兵見之樹雲梯不移  
時登陴永芳遂出城降誠勿殺城中人並撫輯之於  
是撫順東州瑤根丹三城及臺堡寨共五百餘悉下  
撫順守城千總王命印死之乃徙城中人口歸廣寧  
總兵張永廉率師以萬人往援分兵為三據險立營  
以待

大軍乘風奮擊大破其營永廉及遼陽副將頗廷相  
州二參將蕭世芳遊擊梁汝資皆戰死士卒逃歸者  
十無一二諸堡皆陷時察罕胡土克圖及西部阿藍  
妻瑞達勒皆擁衆入遼東機邀賈羽書日數十至中  
外戒嚴帝初頗憂懼章奏

**質實**

清河在開元縣東三十里源出三萬衛東

北分水嶺南流經城東南十五里合小清河柴河在  
鐵嶺縣北二里有堡在縣東北六十里三岔堡名在

龍門衛東撫安堡名在鐵嶺縣東南四十里撫順城  
在承德縣東與今興京接界城周三里門一東州  
在承德縣東南一百十里周四里餘瑪根丹在盛  
京城東一百三十里王命即乾隆四十一年追諡節  
愍張承蔭榆林衛人都督臣子乾隆四十一年追諡  
忠烈順廷相蒲世芳梁汝貴俱乾隆四十一年追諡  
烈愍

閏四月起楊鎬為兵部左侍郎兼食都御史經畧遼東

前此征倭之役  
楊鎬已悉天下  
之全力一舉喪  
之尚敢詭詞報  
捷其罪既不容  
誅至撫遼仍復

初征倭事竣三十八年起鎬撫遼東襲兆哈於鎮安  
破之田生金勅其開釁時遼左多事鎬力薦李如梅  
請復用為大將為給事中麻僖御史楊州鶴所劾鎬  
疏辨乞休旋引去及是以遼警廷議謂鎬熟諳邊事  
起兵部侍郎往經畧時遼左乏餉及兵以戎政尚書  
薛三才言調登州兵一千五百名南京水陸二營兵

故官旋以閉蒙  
効罷安望復有  
經畧之效廷臣  
無識謬稱熟諳  
邊情濫邀推轂  
不旋踵而族置  
茫然全軍並覆  
鎬固死有餘辜  
而建評之顛倒  
是非益可慨見  
夫

日中有黑子

是月丙戌至戊子三日有黑  
氣出入日中摩盪經久不散

五月貴州苗作亂巡撫張鶴鳴討平之

三千名赴援并發內庫銀十萬兩餉軍尋戶科給事  
中官應震言所發內庫十萬兩內五萬九千兩或黑  
如漆或脆如土益為不用朽蠹之象當今邊事孔棘  
儻多特發速成大捷則化無用為有用又金花銀每  
歲一百二十萬有奇正統前雖屬左藏然會典載各  
邊緩急取足其中嘉靖改隸太倉專以濟邊不許別  
項即用皇上初年移入大內遂致太倉缺額兵餉日  
虧若使在內者槩從損發在外者槩允歸還庶于邊  
事有濟疏  
**質實** 鎮安堡名成化八年置在雲州堡東  
金花銀見正統元年楊州鶴澤縣人

時貴州諸苗不靖在定廣威平則有阿繇蒲三王安  
老寡暨等在洪邊則有王應科羅文戴廷鸞等在均  
哈平越則有王三王汝臣王守武吳惟正吳起龍王  
維翰等在安籠一帶則有郎豹郎厥郎很等俱招亡  
納叛劫殺官民截留京餉道路阻  
絕鶴鳴俱命官遣將以次討平之  
質實  
定廣威平定  
番武勝軍安撫司地萬厯四年置州廣順州本金筑  
長官司地萬厯十年置州今俱屬貴陽府威清衛洪  
武二十三年置今為鎮寧州平壩衛洪武二十三年  
置今為安平縣俱屬開州府洪邊宋氏洪邊十二馬  
頭地崇禎四年置開州今屬貴陽府安籠洪武二十  
三年置安籠守禦千戶所屬普安衛今屬南籠府

# 命楊鎬以經畧兼巡撫遼東事尋以周永春代之

先是遼東巡撫李維翰於萬厯四十四年受任無歲  
不用兵當稅使高淮朕削十餘年軍民方困維翰庸



才玩惕遠事大壞及趣總兵官張永詹往援撫順敗  
歿命維翰籍聽勘以鎬魚巡撫事尋以太常少卿周  
永春擢右僉都御史為遼東巡撫時值喪敗之後  
永春佐經畧調度軍食拮据勞瘁越二年罷歸

質

實

李維翰  
睢州人

# 贈故遼東總兵官李如松少保寧遠伯

如松為總兵時以土蠻寇遼東率輕騎遠出搗巢中  
伏力戰死帝痛悼令具衣冠歸葬贈少保寧遠伯立  
祠謚忠烈以其弟如梅代為總兵官授長子世忠錦  
衣衛指揮使掌南鎮撫司仍充寧遠伯勲銜復詹一  
子本衛指揮使世襲恤  
典優渥皆出特恩云

## 六月京師地震

先是閏四月山西地震歷死五十餘人及是月京師  
地震七月九月復震山西州縣十有七及紫荆關偏  
頭神池同日震甘肅紅崖堡震質實神池堡名嘉靖  
聲如雷遼東寬甸海蓋間亦震十八年建今為  
神池縣屬寧武府紅崖堡亦名神功堡神  
宗二十七年建在今蘭州北三百三十里

## 籌遼餉

戶部奏遼餉會議三百萬兩今內帑已發一百萬兩  
南京戶兵工部五十萬兩岡寺水衡八十萬兩共止  
二百三十萬兩此中未解者尚多而數月來調兵安  
家諸費已及五十三萬有奇前科臣條議俊秀輸質  
則東省救荒曾行之裁衙役工食之半往  
歲征倭亦一行之乞允行帝即從其議

## 復以趙煥為吏部尚書

欽定四庫全書

欽定資治通鑑綱目三編

卷三十一

五

先是丁巳京察鄭繼之與都察院尚書李誌主其事  
務考功郎趙士諤給事中徐紹吉御史韓浚佐之所  
去留悉出紹吉等意繼之誌受成而已齊人元詩教  
為大學士方從哲門生勢尤張一時清流與黨人異  
趣者斥逐殆盡即在籍亦不免大僚則中以拾遺善  
類為空至是繼之以老去位元詩教以煥為鄉人老  
而易制力引代繼之煥年七十有七矣比至一聽質  
詩教指揮由是素望益損與繼之並為時議所譏

實

趙士諤  
吳江人

秋七月

大清兵克清河堡

是月丙午我

大兵由鴉鵲關入圍清河城守城副將邵儲賢參將張

施以兵萬人固守城上巨礮矢石俱發  
大軍樹雲梯以登不避鋒刃遂克之儲賢旆皆戰死其  
一堵牆餘場二城官民皆棄城遁乃毀二城盡遷其  
糧穀而還清河在四山之中東距寬甸南距豐陽北  
距瀋陽清河既失全遼震動先是檄調山海關保定  
鐵嶺大同廣寧開原諸路兵赴援尚未出關特賜鎬  
尚方劍得斬總兵以下官鎬乃斬清河逃將  
陳大道高炫徇軍軍至冬四方援兵始集  
在清河東南關之東有喜昌口一堵牆在鳳皇城北  
三百二十里城周三里有奇礮場在蓋州衛西四十  
里今屬蓋平縣鄒儲賢張旆  
乾隆四十一年追謚烈愍

## 八月海運餉遼東

時議行登萊海運軍餉至遼山東巡撫李長庚言自  
州望鐵山西北口至羊頭凹歷中島長行島抵北之

信口又歷免兎昆至深井達蓋州剝運一百二十里抵娘娘宮陸行至廣寧一百八十里至遼陽一百六十里每石費一金部議以為便遂行之及以年二月特設戶部侍郎一人兼倉都御史出督遼餉駐天津即以長庚為之奉行造淮船通津路議牛車酌海道截幫運議錢法設按臣開事例嚴海防九事時議歲運米百八十萬石豆九十萬石草二千一百六十萬束銀三百二十四萬兩長庚請留金花行改折借稅課言臣考會計錄每次本色折色通計千四百六十一萬有奇入內府者六百餘萬入太倉者自本色外折色四百餘萬內府六百萬自金花粉粒外皆然綿布帛蠟茶顏料之類歲久皆朽敗若改折一半無損于上有益于下他若陝西羊羖江浙織造亦當稍停一年濟軍國計帝報言金花粉粒本祖宗舊制內供正額及軍官月俸所費不貲安得借留其以天質實津通州江西四川廣西一年稅銀盡充軍費

天質實

鐵山在鳳皇城西南二百二十里由登州新海口至  
金州鐵山旅順口五百五十里北信口復州衛西四  
十里有白沙州南為南信口北為北信口免兒島在  
蓋州西南七十五里今在蓋平縣西南深井在蓋州  
西南四十里今在蓋平縣西南

## 九月加天下田賦

戶部以逋餉缺乏援征倭征播例請加派直省正賦  
惟貴州地瘠有苗變不派其浙江十二省南北直隸  
照會計錄所定田畝七百餘萬頃每畝權加三釐五  
毫實共派額銀二百萬三十一兩有奇軍務竣時即  
行停止

### 質實

浙江派銀一十六萬三千四百三十九兩四錢三分八釐江西派銀一十四萬

四百二兩九錢四分四釐湖廣派銀三十三萬三千  
四百二十兩九錢一分一釐福建派銀四萬六千九

百七十八兩七錢五分二釐山東派銀二十一萬七  
錢四分五釐山西派銀一十二萬八千八百一十三  
兩七錢四分五釐河南派銀二十五萬九千五百五  
十二兩八錢三分一釐陝西派銀一十萬三千五百  
二十三兩四分七釐四川派銀四萬七千一百八十  
九兩六錢八分五釐廣東派銀八萬九千九百一兩  
七錢八分七釐廣西派銀三萬二千九百兩二錢六  
分一釐雲南派銀六千二百九十七兩七錢五分五  
分南直隸派銀二十五萬九千六百二十四兩四錢  
四釐七毫北直隸派銀十七萬二千二百九十二兩  
六錢五分八  
釐七毫五絲

# 茂陵災

憲宗陵也是年閏四月丁丑夜殿家莊堡平頂  
山堡臺杆八同時火甲申暖閣廠膳房俱火  
質實

殷家莊堡在開原平頂山在今海城縣西南十里暖閣廐膳房在御馬監之南西向

# 冬十月星隕化為石

是月辛酉昏有星如斗隕于南京安德門外聲如霹靂化為石重三十一斤景善鄉亦墜星石二重一百

三十

**質實**

安德門應天府外城周一百八十里西南六門曰夾江雙橋鳳臺馴象大安德小安

德景善鄉在

江寧縣南

# 彗星見于氏

星長丈餘指東南漸移西北埽犯太陽守星入亢度埽北斗璿璣文星五車逼紫微垣右凡三十四日乃滅又先是長白星見東南濶尺餘長二丈餘東至軫西至翼十九日而滅與彗星為二



# 飭修省

大學士方從哲言皇上遇灾而懼欲與臣工共圖修省以冀挽回古帝王克謹天戒亦不過是但青衣角帶停刑禁屠皆文也必如臣所請郊廟臨御補閣部臺臣舉廢宥懸罷徵停織批發如流方為修省實政臣近竄皇上留心蒞事加意用人其機已動但能擴而充之由一事以至事事由一人以至人人太平之治可致何但灾變足弭哉

己未 四十七年春正月彗星見

見東南長數百丈光芒四射末曲而銳或曰彗尤其時方議進師識者以為兵敗之徵

二月楊鎬誓師于遼陽分道出塞

帝以四方援遼兵大集恐師老財匱下廷議方從哲  
與兵部尚書黃嘉善兵科給事中趙興邦等發紅旗  
日趣鎬進兵鎬乃分兵四道令總兵官馬林出開原  
攻北督兵四萬合事潘宗顏監其軍而葉赫兵分路  
並進別監以都司竇永澄令總兵官杜松出撫順攻  
西以總兵王宣趙夢麟為佐督兵六萬兵備副使張  
銓監其軍令總兵官李如柏出鴉鶻關趙清河攻南  
督兵六萬兵備參議閻鳴泰監其軍令總兵官劉綎  
出寬甸攻東督兵四萬以兵備副使康應乾監其軍  
而朝鮮兵分路並進別監以都司喬一琦鎬率各總  
兵官誓神明宣軍令斬撫順陣逃之指揮白雲龍示  
衆為例于是月二十一日後分道出塞期三月一日  
會二道

**質實**

二道關在今興京城西黃嘉善即墨  
人馬林蔚州人芳之子潘宗顏字士潛

保安衛人王宣榆林人趙夢麟榆林人張  
銓字宇衡沁水人喬一琦字伯珪上海人

三月楊鎬師敗績總兵杜松劉綎王宣趙夢麟皆戰死

時天大雨雪鎬兵不前師期洩松欲立首功先渡渾河連克二小砦遂乘勢趨薩爾浒谷口時我

太祖高皇帝在興京西南兩路偵卒以明兵逼境告

太祖高皇帝曰明使我先見南路有兵者誘我兵而南也其

由撫順西來者必大兵急宜拒戰乃率衆貝勒大臣統城中兵出大貝勒前行偵卒又以明兵出清河路來告大貝勒曰清河路反兵未能驟至宜先往撫順以逆敵兵遂與達爾漢侍衛呼爾漢集兵以待時我

太宗文皇帝稱

四貝勒以祀事後至謂大貝勒曰我築城夫役在界藩山倘明兵奮力攻之奈何宜急進于是令軍士擐甲趨至太蘭岡大貝勒與扈爾漢欲駐兵僻地

太宗文皇帝曰正宜耀兵示敵壯我士卒夫役之膽何以僻為遂督兵赴界藩先是以精騎四百護築城夫之在

太祖高

界藩山者聞松等將至伏薩爾澍谷口以待及松兵過半尾擊之至渡口與築城夫役合據界藩之吉林崖時松結營于薩爾澍山而自引兵圍吉林崖我兵下擊一戰而斬百人及衆貝勒兵至益千人登山助擊而以右翼四旗自下夾攻別以左翼四旗攻松別將于薩爾澍山上

大戰破之死者相枕藉所遺助吉林崖者自山馳下擊松軍二旗兵亦縱橫夾擊松與宣夢麟皆死全軍盡覆積屍蔽渾河而下如流漸烏時馬林率開原兵出三路口聞松軍敗恐甚止尚間崖結營自固濬壕三匝外列火器以奇兵環衛其監軍潘宗顏別以萬人營斐芬山距尚間崖三里許而松之後隊遊擊襲念遂李希泌統步騎萬人駕大車持堅楯別營于幹琿鄂護地大清兵先以五百人步乘之所其車輛繼引騎士衝擊明兵大潰念遂希泌歿于陣時我

太祖

高皇帝知林軍已營尚間崖迅往會大貝勒明兵方布陣我軍將據山巔而林營內兵已與據外兵合我兵即下馬步戰大貝勒以怒馬斫陣二貝勒三貝勒與諸台吉各奮勇競進遂敗明兵斬獲無算明副將麻嶺及大小將士皆陣歿林僅以身免

太祖

高皇帝復集大軍馳攻斐芬山潘宗顏與遊擊賓永澄守備江萬春通判董爾勵及所部健丁衝突鏖戰自晨至午力竭不支全軍盡陷葉赫貝勒錦台什布揚古約助明與宗顏合至開原中固城聞明兵敗大驚遁去時刻綏李如柏兩軍先後近逼與京于是留兵四千待如柏軍

太宗

文皇帝偕大貝勒三貝勒進禦劉綎甫出瓦爾喀什窩集而綎率精銳二萬至過深河克三砦時

大清兵守棟鄂地聞綎軍至逆戰綎猶不知松林軍覆整衆進將登阿布達哩岡

大清兵麾衆先登而別以一軍趣綎西岡上軍自高馳下奮擊綎軍趨綎西者復從旁夾擊已乃張松旗幟

太宗文

被其不甲以紿綖既入營營中大亂

皇帝乘勝追擊與綖遇綖力戰死綖養子劉招孫突

圍手格殺數人亦死兩營兵萬餘皆殲綖監軍康應

乾與喬一琦所統朝鮮兵營于富察之野甲仗堅銳

太宗文

皇帝同衆貝勒至督兵進攻明兵朝鮮兵競發火器

忽風大作揚沙石烟塵返撲敵營

大清兵乘之發矢如雨人大破其衆殲二萬人應乾遁

去一琦奔朝鮮我兵逐之朝鮮元帥姜功烈詣營降

一琦自縊死楊鎬聞三路兵敗急檄李如柏軍還如

柏等乃自呼蘭路遁歸我哨兵二十人見而鳴螺呼

噪擊殺四十人明兵奪路走相蹂踐死者復千餘是

役也明文武将吏前後死三百一十餘亡失馬駝甲

仗無算敗書

質實

渾河即古小遼水自邊外流入經

聞京師大震今興京東北境西流至奉天府

承德縣南入太子河太蘭崗在今盛京城東百九

十里界藩山即鐵背山在今興京西北工有界藩

城薩爾斯山在今興京西北百二十里吉林崖在今奉天府海澄縣西明置三岔關今廢尚間崖在今

盛京城東一百五十五里樊芬山在今盛京城

東一百六十里韓琿鄂謨在今盛京城東百三十

里瓦爾喀什窩集在今盛京城東三百八十餘里

深河寬甸東北由鎮江路二百五十餘里為深河子

皆小徑深林棟鄂在今盛京城東南三百八十里

阿布達哩岡在今盛京城東四百三十里呼蘭路

在今盛京城東二百五十里劉縱歷平九絲蠻緬

甸羅雄朝鮮倭播建昌諸寇大小數百戰威名甚著

所用鎗鐵刀百二十觔天下稱為劉大刀乾隆四十

一年追謚忠壯杜松左都督杜桐弟奮勇敢戰歷著

邊功與襲念遂李希泌喬一琦均于乾隆四十一年

追謚忠烈趙夢麟王宣乾隆四十一年追謚烈愍潘

宗顏熟天文兵法為諸生即究心時事有籌邊賦及

輯畧十二對癸丑進士授戶部主事條具遼事片議

時論題之遂往督道餉會開原道缺補用立法嚴密  
四境肅然陰知馬林不可共事未出師前還書楊鎬  
言林庸懦不可當一面乞易別師而以林選為後應  
庶有濟否則不惟誤國忍身亦難保至是果如其料  
戰歿之日骨糜肢裂其狀尤慘帝為賜祭葬立詞謚  
節愍贈光祿寺卿詹子兆環錦衣衛世襲百戶乾隆  
四十一年復興寶永澄量爾爾張萬春同追謚節愍  
薩爾許舊作撒爾湖今改

### 發明

明當師老財匱之時忽徵四方援兵號稱四  
十七萬之眾以興大舉宗社臣庶子孫安危  
之機在此一役而乃委之敗績談功之楊鎬可謂  
倚任非人矣迹其誓師發令分為四路以出意在  
鋪張行陣而曾弗預籌戰守之方以致師期先洩  
紀律不明宿將殲于行間全軍覆于原野因人謀  
之不臧而實



天心之厥夫明祚也恭惟  
太祖高皇帝神武布昭

睿樞默運仰承

昊緯祇迓

鴻庥蓋

上蒼之眷顧我

大清者至此時而積慶彌篤況夫

聖嗣賢臣同心一德天人協應佑啟無疆故于斯役也步

伐止齊決策制勝之宜莫不妙合韜鈴適符機要  
五日之間克成亘古以來未有之偉績至今讀史

者輯勝國之遺編益欽

祖烈神功垂謨永永而我

皇朝億萬載之丕丕基

實肇造於此云

夏四月飭楚蜀黔三省協防苗患

兵部尚書黃嘉善言楚蜀黔三省俱隣苗穴然楚蜀  
轄苗雖多各有土司為之領袖不能侵入其勢猶緩  
若黔則界于二省苗夷之中轄苗雖多逼近巢穴以  
故掠堡焚屯罹禍為甚及其三省失事又互相推諉  
意未有擒緝以靖匪茹者是黔以一省而獨受三省  
紅苗之害也今黔撫張鶴鳴議三省各照所轄苗寨  
要隘委官撥兵嚴加防守分轄屬以專責成究出劫  
以懲橫暴至不得已而用兵三省亦各照苗寨多寡  
派出兵餉則合各省之力自成一鼓之功應令湖廣  
湖北道行永保二宣慰司四川川東道行酉平邑石  
四土司貴州即令桐仁鎮可撫則同撫可守則同守  
可征勦則同征勦防守視失事之有無功罪視地方  
之安否三省毋得  
**質實** 永順宣慰司洪武二年置今  
歧視推諉從之 為永順府平茶洞長官司洪

武八年置屬酉陽宣撫司十七年直隸布政司邑梅  
洞長官司屬酉陽宣慰司石碛宣慰司洪武八年為

欽定四庫全書

卷三十一

十三

宣撫司天啟元年陞宣慰司

# 京師水復赤

宣武門響閘至東御河水俱赤

# 福建盜起巡撫王士昌討平之

漳州府民李新僭號洪武結海寇袁八老等率其黨千餘人流劫焚燬勢甚猖獗巡撫王士昌檄副將紀元憲沈有容等率官兵討平之

# 五月廬甲廠灾

是月癸酉日事也時邊事日急馬匹廬甲器械不敷兵士恤家行糧諸需均缺兵部尚書黃嘉善議各直

省絕軍變產銀缺官采馬銀拖欠太常寺馬價銀皆  
宜全解臣部又各直省稅契銀布政使吏承納班銀  
各州縣倉穀平糴一半折價銀各運司積餘鹽課銀  
又如中州之河工節省銀兌軍買米搏節銀王府宗  
藩勲臣土司議助銀內外各官損俸銀皆半解兵部  
為恤家買馬之用現在暫借太僕寺銀十萬兩南京  
兵部銀十萬兩兩南京戶部銀十萬兩兩南京工部銀十  
萬兩早購馬匹以濟急需其應造廬甲器械聽工部  
議動項速造務祈兵到  
**質實**  
廬甲廠在明照坊砲  
作河東後為靈官廟  
即給以便訓練從之

六月我

大清兵克開原

時我

太祖高皇帝親率兵四萬取開原軍行三日天雨河漲乃遣

兵百人陽使趨攻瀋陽潛偵開原路無雨不濘遂進軍平旦薄開原城明總兵馬林副將于化龍權道事推官鄭之範叅將高貞遊擊于守志守備何懋官等嬰城守城上列兵少許餘皆陳四門外

大清兵設楯梯進攻而以偏師掩擊東門外所陳兵敗之明兵爭入城關擁于門

大清兵奪門搏戰而攻城之兵雲梯未布即登躍上城城上兵皆潰外三門兵見城破大驚奔竄四圍悉遇堵禦不得渡盡殲之鄭之範先遁得脫林化龍貞守志懋官皆戰歿時

太祖

高皇帝登開原城樓偵者以鐵嶺衛有兵三千來援馳

告諸貝勒率兵迎戰明兵望塵奔却追斬四十餘人

而還駐軍

**質實**

馬林先請充為事官今仍守開原乾隆四十一年追諡忠烈子然燭俱隨

開原三日

父殉節于化龍高貞于守志何懋

官乾隆四十一年俱追諡烈愍

以熊廷弼為兵部侍郎兼右僉都御史經畧遼東

廷弼前按遼趙輯李成梁議棄六堡宋一韓論之下  
廷弼覆勘具得棄地驅民狀勘兩人罪及先任按臣  
何爾健康丕揚堂庇疏竟不下時有詔興屯廷弼言  
遼多曠土歲于額軍八萬中以三分屯種可得粟三  
十萬石帝優詔褒美命推行于諸邊邊將好輕師啟  
釁廷弼言防邊以守為上繕垣建堡有十五利奏行  
之在遼數年社餽遺覈軍實按劾將吏不事姑息風  
紀大振及楊鎬既喪師起廷弼為大理寺丞兼河南  
道監察御史赴遼宣慰軍民廷弼方家居聞命晝夜  
馳二百餘里赴闕候勅書關防不即給上疏言遼東  
軍民及調來薊保宣大甘延川浙援遼官軍皆皇上  
守遼禦敵良民赤子也無辜而驅死于一年之內者  
十餘萬人或全城死或全營死或全寨死或全家死  
軍散之日遼瀋餘民放聲大哭魂魄雖收頭顱猶寄

人有百死而無一生日有千愁而無一樂家家抱怨  
在在思逃皇上忍不為惻惻心動乎皇上此時即不  
下罪己之詔悔制禦之失策痛自刻責以上回天心  
下挽人意而亟付尺幅之紙畀臣宣諭弔死問傷拊  
循慰恤以見皇上之念遼救遼而不肯忘遼棄遼也  
則全遼之父老子弟與援遼之官兵人等誰不敢激  
泣下拭淚而相告曰吾君哀吾濟之死有如此吾君  
憐吾濟之死有如此吾君之念遼不忘遼救遼而不  
棄遼也有如此又誰不忠義感慨捐糜圖報願出身  
以振伍士賢以佐軍士死力以制敵而顧乃悠悠忽  
忽漠不關意一至于此臣恐遼人之灰心解體潰不  
可收于一旦也皇上亦何怪此半通之給方寸之符  
不早屬臣以慰此一方之人耶是行也君思為重臣  
命為輕灑一空之血于朝廷付七尺之軀于邊塞惟  
願早給出關刻期報命俾遼人感激咸知德意時廷  
議以廷弼嘗按遼熟遼事命代鎬為經畧未出京師

大清已克開原馬林敗殄弼上言遼事京師肩背河東遼鎮腹心開原又河東根本開原今已破則北關難保朝鮮亦不足恃遼瀋何可守也乞速遣將備舅糧修器械毋寬臣用毋緩臣期毋中格以阻臣氣毋旁撓以掣臣肘毋獨遺臣以艱危以致誤臣誤遼兼誤國也疏上報乞賜尚方劍以重其權廷弼乃行質

實

北關在奉天府葉赫城西北趙楫山陰人  
大興籍宋一韓陳州衛人何爾健曹州人

秋七月我

大清兵克鐵嶺

是月丙午

大清兵攻圍鐵嶺城城外各堡兵俱退入城不得入者

悉潰散因進攻城之北隅明遊擊喻成名史鳳鳴李克恭督兵拒守鎗礮矢石交下乃登雲梯毀牌堞摧



鋒突入城上兵驚潰成名鳳鳴克泰陣歿餘衆盡滅  
時總兵李如楨守鐵嶺鐵嶺故李氏宗族墳墓所在  
會其兄如柏還京其族黨部曲高貲者悉隨之西域  
城中為空如楨以孤城難守還屯瀋陽及鐵嶺被圍  
楨擁兵不救城遂失

**質實**

喻成名史鳳鳴李克泰乾隆四十一年俱追謚烈愍李如楨成梁第三子

由父廕為指揮使屢加至右都督並任錦衣掌南北  
鎮撫司列環衛者四十年及兄如柏以呼蘭關敗革  
總兵任遼人謂李氏世鎮遼東非再用李氏不可巡  
撫周永春以為言兵部尚書黃嘉善以如楨名上遂  
接鎮遼東如楨藉父兄勢又以錦衣近官不居人下  
未出關即遣使與總督汪可受講釣禮朝議譁然既  
抵遼守鐵嶺失後言官交章論劾經畧熊廷弼亦論  
如楨十不堪乃罷任天啟初言者復力攻下獄論死  
崇禎四年特免死充軍

# 經畧熊廷弼安輯遼陽

廷弼甫出關鐵嶺復失瀋陽及諸城堡軍民一時盡  
竄遼陽沟沟廷弼兼程進遇逃者諭令歸斬逃將劉  
遇節等三人以祭死節之士誅貪將陳倫劾罷總兵  
李如楨督軍士造戰車治火器濬濠繕城為守禦計  
法嚴令行數月守備大固又請集兵十八萬分布蹊  
陽清河撫順柴河鎮江諸要口使首尾相應小警自  
為堵禦大敵互為應援更選精悍者為遊徼乘間掠  
零騎擾耕牧徐議相機用兵帝從之廷弼初抵遼即  
躬自巡歷自虎皮驛抵瀋陽復乘雪夜赴撫順時兵  
燹後數百里無人跡廷弼祭諸死事者耀兵奉集相  
度形勢而還所至招流移繕守**質實**  
柴河堡名在今奉天府鐵嶺縣  
具分置士馬由是人心始安  
東北以近柴河名鎮江堡名在今奉天府鳳皇城東  
南為朝鮮分界處虎皮驛一作十里河站在今奉天

欽定四庫全書

卷三十一

七

府承德縣南與遼陽州接界奉集遼縣  
後廢今為堡在今奉天府承德縣東南

廷臣伏文華門請發章奏

大學士方從哲率大小臣工於文華門合詞叩乞下  
京營總兵薊遼總兵及閱視科臣增兵發餉等章奏  
大奮乾斷立  
賜批行不報

八月

大清兵滅葉赫

時葉赫貝勒錦台吉居闕東城布揚古居西城我  
大清以薩爾汗之役葉赫助明故定計攻討遣一軍圍  
布揚古而以大兵圍錦台吉士卒冒牛皮蔽矢石奮  
擊破其城錦台吉就執布揚古無援亦窮蹙出降於

是葉赫屬  
城俱下

## 楊鎬有罪逮下獄

初四路總兵之敗御史楊鶴劾鎬失機帝不問無何  
開原鐵嶺相繼失言官交章劾鎬乃逮下詔欲論死  
至崇禎二  
年伏法

## 九月廷臣再伏文華門請帝視朝發章奏

時邊警日至方從哲請帝出御文華殿召見羣臣面  
商戰守方畧吏部尚書趙煥率廷臣詣文華門固請  
帝臨朝議政抵暮遣中官諭之退而諸軍機要務廢  
閣如故煥等復上疏趣之且作危語曰他日薊門蹂  
躪鐵騎臨郊陛下能高枕深  
宮稱疾却之乎帝深嘆焉

# 遣給事中姚宗文閱遼兵

初宗文丁憂歸還朝欲補官而吏部題請諸疏率數年下宗文患之假招徠西部名屬當事薦已疏屢上不得命宗文計窮致書熊廷弼令其代請廷弼不從宗文怨之後黃緣復吏科及是命閱視遼東士馬徵土司援遼

經畧熊廷弼以川兵精整可用請令湖廣宣慰司兵八千四川永寧宣撫司兵五千酉陽宣撫司兵四千石砭宣撫司兵三千令各帥親率而以夙將為大帥統之向來土司止于附近省分調遣故官無加銜之例兵無安家之例今自西南極于東北道遠疲苦體恤當周土司正官應加銜以示優異並給安家銀兩以示鼓舞從之

發明

廷弼經畧薊遼時遼事已敗壞不可復振其初意在姑為存撫以養兵息民尚為能識時

務乃為援遼起見忽徵蜀黔楚三省土司則殊少算矣考是年四月黃嘉善以黔省界連楚蜀苗穴奏令防協是土司自顧且不暇焉能望以萬里征調之餘出死力以効疆場而供防戍厥後奢崇明釀亂眾噪于中途全蜀幾為震動患滋數載此實有以啟之雖石砭一軍馳驅久効而欲以西南弱旅支大屢于將傾亦可謂愚而不知量者哉

冬十二月再加天下田賦

姚宗文請于舊加之外以明年一年為限再于直省田地按畝加派于是復加三釐五毫增二百萬有奇

鎮江寬甸援陽清河新募援兵潰

遼陽人劉國縉先為御史坐大計謫官遼事起廷議用遼人遂以兵部主事贊畫軍務國縉主募遼人為兵所募一萬七千四百餘人分置鎮江寬甸驍陽清河等處及是清河兵全伍散去鎮江寬甸驍陽亦逃亡過年廷議聞于朝帝切責國縉令廷質實劉國縉弼說法查拏處置由是國縉益怨廷弼

質實

劉國縉泰和人

庚申四十八年春正月朝鮮乞援

先是朝鮮以兵助楊鎬戰為我大清兵所敗兵將或降或陣歿國王李瑄告急詔加優恤朝鮮貢道添兵防守詔鎮江等處設兵將令經畧熊廷弼調委及是時我

大清兵既破葉赫降蒙古宰桑等進攻朝鮮瑄上疏乞救畧言聞已設兵毛牛寨萬進嶺欲畧寬甸鎮江等處寬甸鎮江與小邦之昌城義州諸堡隔水相望孤危非常若從驍陽境上鴉鵲關取路遠出鳳皇城寬

鎮昌城俱莫自保內而遼左八站外而東江一城聲援阻絕望連調兵共相犄角以固邊防時遼鎮塘報傳稱朝鮮已歸款

大清朝議遂謂琿陽衛陰順宜遣官宣諭或命將監護

其說分擊琿琿辦二百年忠誠事大死生一節詞極

剴摯禮兵二部乞降勅曉諭以安其心帝是其議然

勅令倭臣齎質實朝鮮貢道初由定遼毋涉海後天

往不遣官也質實欽元年改自海至登州直達京師

成化十七年朝鮮使臣歸國道經鳳凰山下遇掠奏

乞於舊路南別開一路以便往來往築鳳凰城周三

百八

十步

## 二月日暈

是月癸丑午時日生交暈如連環下生背氣一道黃白色左右生戰氣青赤色白虹彌天良久始散大學



士方從哲言曰生交暈背氣戰氣並見占者謂戈戰相傷之象人心皇皇皆以邊事為憂皇上宜如何恐懼脩省乃屢蒙傳示聖躬不安見在調攝若惟恐臣下有所祈請者不思臣下之奏請即可少緩朝廷之機務豈容久停邊方之警報豈容暫止惟望即日召見羣臣講求邊畧簡發吏部推官各本大僚巡撫科道各官及都察院題差盡賜允用庶人心可慰天變可回不報

## 地震

是月庚戌雲南及肇慶惠州荊  
州襄陽承天沔陽京山皆震

實實

京山隋縣明屬承天府今屬安陸府

## 三月復加天下田賦

時經畧熊廷弼言四十七年十二月赴戶部領餉二十萬兩十二月領餉十萬兩四十八年正月領餉十

五萬兩俱無發給。現貯庫銀僅二萬餘兩，止足正月未領糧料支用。各倉糧草止數千石，尚不敷補支。去年十二月未領之數，豈軍到今日不餓馬到今日尚不瘦不死而還事到今日不急耶？軍兵無糧如何不賣襖褲什物如何不奪民間糧塿如何不奪馬料養自己性命馬匹如何不瘦不死而戶部猶漠然不一動念得無銷兵太速釀禍太劇耶？疏入下戶部等衙門議令各直省田地每畝再加派二釐以敷兵工二部之用。從之。通前二次加派共增九釐，賦五百二十萬，遂為歲額所不加者畿內八府及貴州而已。

### 禁白蓮無為諸邪教

前年禮部左侍郎何宗彥去位，署印無人大學士方從哲屢以右侍郎孫如游請及是始得命部事叢積如游遣決無滯時，白蓮無為諸教盛行，宗彥嘗疏請嚴禁如游復申其說，帝從之。

夏四月皇后王氏崩

后性端善事孝定太后光宗在東宮危疑者數矣調護備至鄭貴妃頗寵后不較也正位中宮者四十二年以慈孝稱及是崩謚孝端大學士方從哲詣思善門哭臨畢召見弘福殿跪語良久從哲請補閣臣用大僚下臺諫命帝許之

質實

弘德殿即乾清之西暖閣

從哲叩頭出復如故

石砮女土官秦良玉請益兵援遼

良玉饒膽智善騎射無通詞翰儀度嫻雅而馭下嚴峻每行軍發令從伍肅然所部號白桿兵為遠近所憚嘗從征播州有功遼事急徵良玉兵良玉因遣兄邦屏弟民屏以數千人先行朝命賜良玉三品服授邦屏都司民屏守備良玉奏言所將之兵止三千餘恐軍聲不振欲調在川土兵三千五百餘名成一臂之力再乞假給戰車火器半馬

半步奇正相兼庶  
臣志可展報可

**質實**

秦良玉忠州人嫁宣撫司  
馬千乘千乘死代領其衆

# 秋七月李如楨有罪免

河而總兵李如楨日鐵嶺失事後仍許戴罪立功熊廷弼勅其將懈士離諸罷如楨以李懷信代且云開原道會事韓原善初至遼陽即欲請兵三萬往復開原臣獎其志而無兵可遣請令駐劄瀋陽屬以專任一面督同諸將共圖瀋陽戰守事宜一面招撫逃亡收拾軍馬器械等項為恢復之備從之

# 帝崩

先是帝寢疾不食者半月皇太子未得見給事中楊建偕諸給事中御史走謁方從哲哲御史左光斗趣從哲問安從哲曰帝諱疾即問左右不敢傳遽曰昔文潞公問宋仁宗疾內侍不肯言潞公曰天子起居汝曹不令宰相知將毋

有他志連下中書行法公誠日三問不必見亦不必上知第  
令宮中知廷臣在事自濟公更當宿閣中從哲曰無故事連  
曰潞公不訶史志聰乎此何時尚問故事耶越二日從哲始  
率羣臣入問及帝疾亟太子尚踣蹕宮門外連與光斗道人  
語東宮伴讀王安曰帝疾甚不召太子非帝意當力請入侍  
嘗與視膳薄暮始還太子深納之至是大漸召英國公張惟  
賢大學士方從哲尚書周嘉謨李汝華張問連黃克纘黃嘉善  
侍郎孫如游等于弘德殿免諸臣勤職輔理嗣君越二日崩年  
五十

**所質實**

楊連字文瑞廬山人左光斗字遺直桐城  
人李汝華字茂夫雖川人王安雄縣人初隸馮

保名下神宗二十二年陳矩薦為皇太子伴讀

以遺詔發帑金百萬充邊賞罷礦稅權稅及監稅中官

越三日再發帑金百萬犒邊

遼左缺餉羣臣請發內帑帝頻以不足為辭自四十四年發三十萬後四十七年三月復令搜括太后宮累年積蓄備賞銀三十六萬兩給邊礮稅權稅屢經廷臣請罷不允惟四十四年二月減各省稅課三分之一及是太子奉還詔均及之朝野感動

<sup>庚申</sup>光宗貞皇帝泰昌元年

是年八月以前為神宗四十八年八月以後為光宗泰昌元年

從當時廷議據實分叙以存光宗之統與前例一年兩系者不同

秋八月丙午太子常洛即位

大赦蠲直省被災租賦禮部侍郎孫如游請建東宮帝納之尋以皇太子體弱諭緩冊期

太白犯太微垣

是月丙午朔帝即位日也二日丁未白氣夜見如匹練穿牛女虛危厯軫至翼良久乃散五日庚戌東方

有流星大如盞青白色起騰蛇東入奎宿二星隨之六日辛亥焚貳犯太微右將八日癸丑填星犯井

### 起南京吏部郎中鄒元標為大理寺卿

初元標以吏部員外郎調南京三年移疾歸久之起本部不赴旋遭母憂里居講學從遊日衆名高天下中外所薦遺佚凡數十百上莫不以元標為首卒不用家食垂三十年光宗立召拜大理卿未至進刑部侍郎吏部尚書周家謨奏列建言得罪諸臣王德完等三十三人於是王德完孟養浩鍾羽正滿朝薦等悉起部寺諸官

### 以史繼偕沈澹為禮部尚書兼東閣大學士預機務

沈澹因與方從哲同里偕蹤黃庭甫入相即潛結中涓澹除官

神宗末方從哲獨當國請補閣臣疏十上始命廷推與從哲同里相善給事中忝詩教等緣從哲意欲以澹及繼偕名上既未發至是始召用之時二人俱在籍澹於明年六月至繼偕明年十月始至澹官翰林

職倅人伎倆畢  
露時當遣左用  
兵敗報踵至宣  
區區召募二百  
人所能濟事蓋  
由其平日與劉  
朝勰忠賢結納  
已深揣知內操  
方亞是以屏居  
鄉里時已號召  
烏合多人假稱  
募練不惟仰承  
風旨且以自炫  
經猷既而認畧  
無聞詭隨日甚  
視軍國大事如

## 遼東旱

時嘗授內侍書劉朝魏進忠皆其子弟既入閤密結  
二人奏言遼左用兵臣嘗募東陽義烏諸邑及揚州  
淮安材官勇士二百餘請以勇士隸錦衣衛而量授  
材官職進忠朝方舉內操得准奏詔錦衣官訓練募  
士授材官王應于等遊擊以下官有差准又奏募  
兵後至者復二百人請發遼東四川軍前亦從之  
**實**  
字銘鎮烏程人魏進忠河間府肅寧人即忠賢

巡撫周永春言遼地瘠遇旱援兵駐處糴買維艱請  
旌勸本鎮輸功官民允輸糧二百以上至千石輸銀  
一百兩至五百兩及牛馬車輛草束之價稱是者分  
別進級錄叙若輸糧五千石銀一千五百兩以上者  
官為建坊  
表異從之



兇厥瀆之罪復  
何足誅乎

起用前御史劉光復為光祿寺丞

先是于神宗朝永不  
叙用茲以特旨起之

台州兵噪

浙江兵以征調旁午餉糈不繼五年之中詳者再至  
是水陸營把總哨官單道亨楊思勲等貪漁騰謗僞  
倭把總陳泰階聽讒淫刑各兵羣噪  
而起入泰階署毀公座良久乃散

帝有疾

初鄭貴妃侍神宗疾留居乾清宮及帝嗣位猶未移  
懼帝以福王事銜已進珠玉及美姬八人敬帝知選  
侍李氏最得帝寵因請立為皇后選侍亦為貴妃求  
封皇太后乙卯帝不豫召醫官陳璽等診視丁巳帝

御門以神宗遺命趣舉封后禮方從哲即以命禮部  
禮部侍郎孫如游疏言以配而后者乃敵體之經以  
妃而后者則從子之義故累朝非無抱衾之愛終引  
割席之嫌者以例所不載也皇貴妃事先帝有年不聞  
倡議于生前而顧遺詔于逝後豈先帝彌留之際遂  
不及致詳耶且王貴妃誕育殿下豈非先帝所留意  
者乃思典尚爾有待而欲令不屬毛離裏者得毋其  
子恐九原亦不無怨恫也鄭貴妃賢而習于禮處以  
非分必非其心之所樂書之史冊傳之後祀將為威  
代典禮之累且昭先帝之失言非所以為孝也中庸  
稱達孝為善繼善述義可行則以遵命為孝義不可  
行則以遵禮為孝臣不敢奉命議乃寢已未內侍崔  
文昇進洩藥一書夜三四十起都下紛言為貴妃所  
使帝由是委頓羣情疑駭外家王鄆二戚訖遍謂朝  
士泣愬宮禁危急狀言鄭李交固甚包藏禍心于是  
給事中楊連御史左光斗倡言于朝與吏部尚書周

嘉謨以大義責貴妃兄子鄭養性趣貴妃移宮貴妃  
恐即移居慈寧養性亦請封還皇貴妃封后成命從  
之連遂劾文昇用藥無狀畧曰賊臣崔文昇不知醫  
不宜以宗社神人託重之身妄為嘗試如其知醫則  
醫家有餘者泄不足者補皇上哀毀之餘一日為幾  
于法正宜清補文昇反投伐劑然則流言藉藉所謂  
興居之無節侍御之盛感必文昇藉口以蓋其誤藥  
之奸冀掩外庭攻摘也如文昇者既益聖躬之疾又  
損聖明之名文昇之肉其足食乎臣聞文昇調護府  
第有年不聞用藥謬誤皇上一用文昇倒置若此有  
心則葢粉不足償無心則一誤豈容再誤皇上奈何  
置賊于肘腋間哉刑部主事孫朝肅徐儀世御史鄭  
宗周上書方從哲責以用藥乖方請調護聖躬連建  
儲貳從哲候安因言用藥宜詳慎帝降優詔答之

質實

選侍李氏時宮中有二李選侍人稱東西李此  
為西李其東李嘗撫視信王後為客魏所間害

憤鬱而卒王郭二戚晚謂帝生母王氏皇后郭氏家也崔文昇鄭貴妃宮中內侍光宗立陞司禮監秉筆掌御藥房孫朝肅常燕人徐儀世宜與人鄭宗周文水人

以何宗彥劉一燝韓爌朱國祚並為禮部尚書兼東閣大學士預機務召葉向高復入閣

時內閣止方從哲一人史繼偕沈淮尚未至帝遂復有宗彥等命而宗彥國祚向高亦俱在籍惟一燝爌入直明年六月宗彥國祚質實何宗彥字君美潁州人朱國祚字兆隆秀水人

召對英國公張維賢大學士方從哲等于乾清宮命皇

長子出見

帝疾甚召英國公張維賢大學士方從哲劉一燝韓  
爌吏部尚書周嘉謨戶部尚書李汝華禮部侍郎孫  
如游刑部尚書黃克纘左都御史張問達給事中范  
齊世楊漣御史顧慤等至乾清宮東暖宮先是命錦  
衣衛宣揚漣廷臣疑漣且得罪及是帝御東暖閣見  
羣臣倚榻憑几注視久之時皇長子侍立帝命諸臣  
前漣諭之曰朕見卿等甚慰從哲等請慎醫藥帝曰  
不服藥十餘日矣因諭冊封李選侍為皇貴妃選侍  
跪皇長子入後推之出告帝曰欲  
封后帝不應羣臣愕然旋叩首退

質實  
顧慤山陽人

再召對張維賢方從哲等于乾清宮李可灼進紅丸九

月朔帝崩

紅丸移宮與梃  
擊並稱三案其  
是非土無難論  
定而當時異說

紛馳入主出奴

呼不可破逆兩

自當疑國疑將

事前已具論之

若紅丸之案謂

李可灼必有逆

謀自非篤論但

可灼本不習醫

其藥何由進御

方從哲雖婉詞

疑詰而藥未試

嘗竟不力為沮

止藥甫進而遽

進不誼二人復

何忍偷息人間

乃從哲于撰寫

甲戌再召諸臣于乾清宮仍諭冊立皇貴妃從哲等

以冊儲原旨期宜改近早竣吉典以慰聖懷帝因顧

皇太子諭曰卿等輔佐為堯舜又語及壽宮輔臣以

皇考山陵對帝曰是朕壽宮諸臣奏聖壽無疆何遠

及此帝問有鴻臚寺官進藥者安在從哲奏鴻臚寺

丞李可灼自云仙方臣等未敢輕信帝即命中使宣

可灼至於視其言病源及治法帝喜命進藥諸臣出

乃令可灼與諸臣及諸臣商榷未次輔臣一爆言其

鄉兩人同服一益一損非萬全藥禮臣如游言比大

關繫未可輕投時復有旨趣進諸臣復入可灼調藥

進帝飲湯輒喘藥進乃受所謂紅丸者也帝稱忠臣

者再諸臣出宮門外族少頃中旨傳聖體安善日哺

可灼復進一丸出明日昧爽帝崩先是可灼來閣門

言有仙丹發具本進時輔臣方揭請慎藥已諭之去

而可灼夙從諸御醫往來惡善門與中使燕回已聞

于帝從哲等弗能禁時選侍據乾清宮與心腹閹魏

遺詔時尚欲加  
可灼以優賞無  
怪惡廷之嗜有  
煩言律以許止  
趙盾惡名誠無  
可辭而遽請顯  
止刑誅則太過  
矣至李選侍以  
先朝嬪御乾清  
固非所宜居及  
既從職驚居  
即當盡息又何  
至捕風捉影附  
會宮禁傳聞至  
創為難經入井  
之說若信乎訟

進忠謀挾皇太子自重羣臣入臨為羣閹所格連厲  
聲責之得入臨如禮一燎詰皇長子所在羣閹不應  
一燎大言誰敢匿新天子者東宮伴讀王安入白選  
侍給曰第出即返遂扶皇長子趨出及門中官數輩  
追及攬衣請還連呵退之一燎與維賢遂掖皇長子  
升輦至文華殿羣臣叩頭呼萬歲還居慈慶宮擇日  
登極時衆議未定有改請初三日有請于即日午時  
者連曰今海宇清宴內無嫡庶之嫌父死之謂何舍  
欲未畢冠冕臨朝非禮也或言登極則人心安連曰  
安與不安不在登極早暮處之得宜即朝委來何害  
議定出過文華殿太僕寺少卿徐養量御史左光斗  
至責連誤大事唾其面曰事脫不濟汝肉足食乎連  
為悚然曰語錦衣衛嚴緹騎內外防護時中外藉藉  
以李可灼誤下殺劉為疑而方從哲擬旨賞可灼銀  
五十兩御史王安舜首爭之疏曰醫不三世不服其  
藥先帝之脉雄壯浮大此三焦火動宜清不宜助明

經年不休尤為  
悖妄總由諸人  
初無忠君愛國  
之心而分門別  
類私意蔽銅遂  
至幸災樂禍託  
為忠愛以逞臆  
見而肆譏彈其  
心實不可問  
議論未定而宗  
社已墟口舌之  
病殆亡微之先  
見耳

矣紅鉛乃婦人經水陰中之陽純火之精也投于虛  
火燥熱之症不速之逝乎以中外危疑之日而敢  
以無方無製之藥駕言金丹輕亦當治以庸醫殺  
人之條而蒙殿下頒以賞格是不過借此一舉塞  
外廷議論也疏入乃改票罰俸一年而議者遂起  
矣御史鄭宗周言往歲張差之變操桂禁門幾釀  
不測祇以皇祖優容未盡厥罪故文昇尤而效之  
請寸斬文昇以謝九廟從哲擬旨下文昇獄于是  
獄吏郭如楚馮三元焦源溥給事中魏應嘉太常  
卿曹光祿少卿高攀龍主事呂維祺等交章論  
崔文昇李可灼給事中惠世揚并劾方從哲有無  
君當誅者三封后之舉滿朝倡議從哲依違其間  
一也受劉遜李進忠盜藏美珠夜半密約任李選  
侍佔居乾清二也曲庇崔文昇李可灼三也  
南京太常寺少卿曹珍亦請  
旨嚴行究擬醫藥之奸黨  
**質實**  
焦源溥字涵一三  
原人馮三元三河



人魏應嘉興化人曹琬字用章益都人徐養量應城人郭如楚晉江人呂維祺字介孺新安人惠世揚清人

# 選侍李氏移居噦鸞宮

選侍欲專大權必欲與皇長子同居廷臣箋奏令先進乾清然後進慈慶皇長子居慈慶宮時一燂奏言今之乾清宮未淨殿下請暫居此嘉謨曰今日殿下之身是社稷神人託重之身不可輕易即詣乾清宮哭臨須臣等到乃發皇長子首肯連語中官曰外事緩急在諸大臣詞護聖躬在諸內臣貴有所歸王安等踴躍稱諾丙子尚書周嘉謨等合疏請選侍移宮左光斗上言內廷之有乾清殿猶外廷之有皇極殿也惟皇上御天居之惟皇后配天得共居之其餘嬪妃雖以次進御過有大故即當移置別殿非但避嫌

亦以別尊卑也今大行皇帝賓天選侍既非嫡母又非生母儼然居正宮而殿下乃居慈慶不得守几筵行大禮名分倒置臣竊惑之且殿下春秋十六齡矣內輔以忠直老成外輔以公孤卿貳何慮乏人尚須乳哺而襁負之哉倘及今不早斷借撫養之名行專制之實武后之禍將見于今選侍得光斗疏大怒將加嚴譴數使宣召光斗光斗曰我天子法臣也非天子召不赴若輩何為者選侍益怒邀皇長子議之皇長子深以光斗言為善趣擇日移宮而首輔方從哲徘徊其間顧欲緩之劉一燝曰本朝故事仁聖嫡母也移慈慶慈聖生母也移慈寧今何日可始緩耶至登極前一日楊漣復抗言選侍陽託保護之名陰圖專擅之實今登極已在明日豈有天子偏處東宮之禮先帝聖明同符堯舜徒以鄭貴妃保護之故致病體沈痼醫藥亂投人言藉藉至今抱痛安得不為寒心此移宮一事臣言之在今日殿下行之亦必在今

日閣部大臣從中贊決毋容泄泄以負先帝憑几輔  
殿下之託亦在今日疏上連復往趣從哲從哲曰待  
初九十二亦未晚連曰天子無復返東宮禮選侍今  
不移亦未有移之日此不可頃刻緩者內侍曰獨不  
念先帝舊寵乎連曰國家事大宣容姑息且汝輩何  
敢如是聲徹大內于是一燎燭邀從哲請即日降旨  
立宮門以俟選侍不得已乃移噦鸞宮皇長子復  
還乾清是時宮府危疑人情洶懼光丰與連協心建  
議宸極護正朝  
**質實** 噦鸞宮在仁壽宮門內傍有  
野稱為楊左 皆鳳宮皆宮妃養老之處

### 皇長子由校即位

時廷議改元或議削泰昌弗紀或議去萬歷四十八  
年即以今年為泰昌或議明年為泰昌後年為天啓  
元年在光丰請以今年八月以前為萬歷以後為泰  
昌明年為天啓從之初光宗在東宮時鄭貴妃謀立

王安初為東宮  
伴讀頗有調護

之勞其行事亦尚不違公是不可謂非庸中佼佼但新君初立間臣不思援衆正匡扶轉欲倚宦官為內助實乖杜漸防微之道雖王安秉筆尚知謹慎持正不致諸弊叢滋但以朝政假手中涓遂使柄移司禮未幾而奸瑞逞志大翻朝局流毒無窮揆

己子數使人陰擬其過內侍王安善為調護貴妃無所得槌擊事起安為屬草下令旨釋羣臣疑以安貴妃神宗大悅光宗即位嘗勸行諸善政發帑金濟邊起用直臣鄒元標王德元等中外翕然稱治及是劉一燝韓爌周嘉謨等念內庭惟安足恃引與共事安亦傾心向之凡內閣吏部所奏請無不從發內帑抑近倖搜拔賢才中外欣然望治

### 賜太監魏進忠世廕封乳母客氏為奉聖夫人

初進忠隸司禮監掌東廠太監孫暹帝為皇太孫進忠謹事之孝和皇后帝生母也時為王才人進忠黃入宮典膳因魏朝以結王安朝先與帝乳媪客氏私即所謂對食者及進忠入亦通焉客氏遂薄朝而愛進忠兩人深相結帝嗣位進忠客氏並有寵封客氏奉聖夫人廕其子侯國興弟客光及進忠兄釗並

厥禍原一燎亦  
不得辭咎也

衣千戶尋自惜薪司遷司禮監秉筆太監先是進忠  
直東閣有道士歌于市曰委鬼當頭立茄花滿地紅  
委鬼謂魏茹則析其字為客也及  
是客魏始用事蓋已先為兆云

**質實**

客氏定與  
民侯二妻

### 諭內閣暴選侍李氏罪

選侍移宮雖迫帝侍養甚備會宮奴劉朝田詒等于  
移宮時盜內府秘藏過乾清門仆金寶滿地帝怒下  
法司案治諸閹懼搆蜚語謂選侍投環呈八妹入井  
熒惑朝士御史賈繼春信之即上書內閣言新君御  
極之時不當導以違忤先帝通逐庶母俾先帝玉體  
未寒不能保其姬女于是左光斗上言選侍既移宮  
後當存大體捐小過不當使宮闈不安便于國體有  
損伏乞宣召閣部九卿科道面諭以當日避宮何故  
今日調錦何方不得憑中使傳旨正劉遜李進忠法  
其餘概從寬典疏入帝傳諭內閣朕幼冲時選侍氣

凌聖母成疾崩逝使朕抱終天之恨皇考病篤選侍  
咸挾朕躬要封皇后朕暫居慈慶復遣李進忠劉遜  
等命每日章奏先奏選侍方與朕覽朕令奉養選侍  
于噦鸞宮仰遵皇考遺愛無不體悉其田詔等監庫  
首犯事于憲典原非株連可傳示遵行輔臣方從哲  
讀諭驚愕具揭封進言皇上既仰體先帝遺愛不宜  
暴其過惡傳之  
外廷帝不允

質實

賈繼春  
新鄉人

## 冬十月噦鸞宮火

帝諭選侍皇妹俱無恙尋給事中周朝瑞以繼春前  
揭為生事致繼春再揭有伶仃之皇八妹入井誰憐  
嬌寡之未亡人堆經莫訴等語楊連恐繼春說遂滋  
亦上疏具陳移宮始末且言選侍自裁皇八妹入井  
蜚語何自恐釀今日之疑端流為他年之實事臣安  
敢無言帝優詔褒連復申諭羣臣數選侍之過言前

因毆崩聖母自度有罪每使宮人竊伺不令朕與聖母舊侍言有輒捕去朕之苦衷外廷豈能盡悉因責繼春妄生謗議且言朕今停選侍封號以慰聖母在天之靈厚養選侍及皇八妹以遵皇考之意爾諸臣可以仰體朕心矣時帝深惡繼春將加嚴譴約一殛力救乃止

**質實**

周朝瑞南城人

# 葬定陵

謚曰範天合道哲肅敷簡光文章武安仁止孝顯皇帝廟號神宗孝端皇后祔

**質實**

定陵在昌平州北大峪山距昭陵北一里自昭陵五空橋東二百步分北為定陵

明史贊曰神宗沖齡踐作江陵秉政國勢幾于富強繼乃因循牽制晏處深宮綱紀廢弛君臣否隔於是小人好權趨利者與名節之士為仇警門戶紛然耶黨滋蔓在廷正類無深識遠慮以折其機

明政之弊起于  
重內輕外閫帥  
即有幹材而臺  
省齟齬之者輒  
無所不至其人  
或力圖銳入則以  
間釁糾之其人  
或意存持重則  
以促戰困之廷弼  
數言實足盡在

牙而不勝憤激交相攻訐以致人主蓄疑賢奸雜  
用潰敗決裂不可振救論者謂明之亡實亡於神  
宗豈不

諒歟

### 罷遼東經畧熊廷弼以表應泰代之

廷弼有膽畧知兵自按遼即持守邊議至是主守禦  
益堅然性剛好謾罵物情不甚附給事中姚宗文向與  
廷弼同在言路意氣相得後以廷弼不薦己生怨及  
出閔邊宗文持內府體自尊廷弼心易之甫開燕幕  
吏傳外警廷弼介而馳命屬吏欵宗文宗文色動未  
幾廷弼還笑曰老掌科無恐此邊闕常事耳燕罷宗  
文偵外實無警意廷弼戲之恨甚主事劉國縉向亦  
與廷弼同官以京察被謫及贊畫軍前以故舊意望  
廷弼廷弼不能如前國縉怒遂與宗文比而傾廷弼  
是年三月我



廷宰不可破之  
 陋習特其為人  
 威畧不無足觀  
 而性質褻疎不  
 能自克是以尋  
 常睚眦細故各  
 開賈禍至于  
 身名瓦裂而  
 莫之惜亦不得謂  
 非其所自取耳

大清兵畧地花嶺六月畧王大人屯八月畧蒲河將士  
 亡失七百餘人諸將亦有斬獲功適宗文還朝疏陳  
 連士日盛詆廷弼廢羣策雄獨智軍馬不訓練將領  
 不部署人心不親附復鼓其同類攻擊必欲去之御  
 史顧慥首劾廷弼出關踰年漫無定畫蒲河失守匿  
 不上聞荷戈之士徒供挑澹上方之劔逞志作威御  
 史馮三元劾廷弼無謀者八欺君者三廷議廷弼憤  
 甚抗疏極辨且求罷而御史張修德給事中魏應嘉  
 復劾之廷弼再疏自明繳上方劍力求罷斥朝議允  
 廷弼去以袁應泰代廷弼乃上疏求勘言遼師覆沒  
 臣始驅羸卒數千踉蹌出關至杏山而鐵嶺又失廷  
 臣咸謂遼必亡而今且地方安堵舉朝帖席此非不  
 操練不部署者所能致也若謂擁兵十萬不能舉旗  
 決勝誠臣之罪然求此于今日亦豈易言今箭催而  
 張帥殞命馬上催而三路喪師臣何敢復蹈前轍三  
 元應嘉修德等復連章極論廷弼即請三人往勘帝

從之御史吳應奇給事中楊連等力言其時勢不可  
乃改命兵科給事中朱童蒙往廷弼復上疏曰今廟  
堂議論全不知兵冬春之際敵以未雪稍緩開然言  
師老財匱馬上促戰及軍敗始愀然不敢復言比臣  
收拾甫定而愀然者又復閑然責戰矣自有遼難以  
來用武臣用文吏何非臺省所建白何嘗有一效疆  
場事當聽疆場吏自為之何用拾帖括語徒亂人意  
一不從輒佛然怒哉及童蒙還奏備陳廷弼功狀未言  
臣入遼時士民垂泣而道謂數十萬生靈皆廷弼一  
人所留其罪何可輕議獨是廷弼受知最深蒲河之  
役敵攻瀋陽策馬趨救何其壯也及見官兵駕弱遽  
爾乞骸以歸將置君恩何地廷弼功在存遼微勞雖  
有可紀罪在負君大義實無所逃此則罪浮于功者  
矣疏入帝方知廷弼足用應泰歷官精敏強毅用兵  
非其所長其初受事為經畧也刑白馬祀神誓以身  
委遼疏言臣願與遼相終始更願文武諸臣與臣相

終始帝優詔褒答賜尚方劍戮貪將何光先汰大將李光榮以下十餘人遂謀進取撫順議用兵十八萬大將十人上陳方畧初廷弼在邊持法嚴部伍整肅應泰以寬矯之多更易而是時蒙古諸部大饑多入塞乞食應泰下令招降歸者日聚處之遼瀋二城優其月廩與民雜居議者言收降過多恐致不測後應泰卒以質實

花嶺在撫順城西瑪根丹城西南十里王大人屯在渾河南岸奉集堡東三十

里乘應泰字大來鳳翔人朱童蒙萊蕪人張修德太原人

以孫如游為禮部尚書兼東閣大學士預機務

帝即位如游以帝為皇長孫時未就外傳即請開講筵報可至是遂入閣

十二月許都給事中楊漣歸里

諛疏曰垂簾之秘事未明入井之煩言噴起臣不過  
發明移宮始末而旋荷綸綍之褒過邀忠直之譽使  
臣區區之苦心反為夸詡臣節之左券臣之不安一  
也當時首請御文華殿受嵩呼者周嘉謨等也初出  
乾清宮捧皇上左右手者張惟賢劉一燝也臣乃以  
憤爭之故獨受忠直之名俯慙卑末豈可掩人于朝  
仰藉清平豈可貪天之力臣之不安二也宮禁自就  
肅清社稷有何杞隍而聖諭以志安社稷為言君幸  
有子不憂杞國之天臣獨何人敢捧虞淵之日臣之  
不安三也臣無病不敢以病請皇上未罪臣不敢以  
罪請惟有明微薄之心跡乞浩蕩之恩  
波放為急流勇退之人而已詔許之

## 方從哲罷

從哲性柔懦不能任大事凡所疏論以有內援名爭  
而已實將順帝意無所匡正向高秉政時黨論鼎沸

銓部斥逐清流賴向高維持及從哲當國丁巳京察  
斥東林殆盡且及林下從哲昵羣小而帝怠荒亦益  
甚四十七年楊鎬喪師禮部主事夏嘉遇謂遼事之  
敗由興邦紅旗督戰及從哲庇李維翰所致兩疏

劾之從哲求罷不敢入內閣于朝房視事帝優旨慰  
留乃復入而反擢興邦為太常少卿御史張新詔劾  
從哲諸所疏揭委罪君父誑言欺人祖宗二百年金  
甌壞于從哲手御史蕭毅中劉蔚周方鑑楊春茂王  
尊德左光斗山西參政徐如翰亦交章擊之帝皆不  
問帝自以海宇承平官不必備有意減損及遼左軍  
興又不欲矯前失從哲復薦姚宗文開邊裔經畧熊  
廷弼去論者謂明之亡神宗基之而從哲其罪首也  
及光宗廟復以縱庇可灼文昇為臺諫所指謫從哲  
不自安力求去疏六上命進中樞殿大學士賚銀幣蟒

衣允其致仕

質實

夏嘉遇華亭人張新詔掖縣人  
王尊德泗州人徐如翰上虞人



御定資治通鑑綱目三編卷三十一

欽定四庫全書會要卷七千四百四十四 史部

御定資治通鑑綱目三編卷三十二

起辛酉明熹宗天啟元年  
盡癸亥明熹宗天啟三年 凡三年

辛酉 熹宗哲皇帝天啟元年春二月遼陽有數日並出

甲午數日交暈左  
右有珥白虹彌天

閏二月孫如游罷

廷推為明季弊政  
前已具論之孫  
如游以講帷舊  
恩熹宗特為簡  
用即未必遂稱  
得人之慶而命

如游入閣言者詆其不由廷推交章論列如游亦屢  
乞去帝輒勉留及是復上疏言祖宗任用閣臣多由  
特簡遠者無論在世廟則有張璉桂萼方獻夫夏言  
徐階袁煒嚴訥李春芳在穆宗則有陳以勤張居正



相出自朝廷實事當而理正乃當時言路輒以其不由推舉妄肆詆譏交章論劾必欲去之而後已如游亦遂杌杌不安屢疏乞退熹宗竟付之無可如何是廷臣直忘駁貴之權當操之自上公然把持權席爭構猜妬朝綱倒置至此不亡何待

趙貞吉在神廟則有許國趙志皋張位即皇考之用朱國祚亦特簡也今陛下冲齡臣材品又非諸臣比有累至尊知人之明乞賜骸骨歸田里至十四疏乃加太子太保文淵閣大學士遣護歸

### 三月我

### 大清兵取瀋陽總兵賀世賢九世功等死之

表應泰議三路出師復清河撫順未行

大清兵已薄瀋陽總兵賀世賢九世功等分兵乘城

大兵營城東七里世賢等於城外鑿掘壕塹樹柵築牆環列鎗礮以拒復登堦堅守

大兵進攻繞城掩擊世賢出戰且却抵西門身被十四矢城中聞世賢敗各烏獸竄或勸世賢走遼陽曰吾為大將不能存城何面目見表經略乎揮鐵鞭馳突圍中中矢墜馬而死世功引兵援亦戰死城外兵七

萬人皆潰。叅將夏國卿、知州段展同、知陳柏皆死於陣。遂樹雲梯，拔瀋陽城。時總兵陳策統四川步兵二萬營黃山渡，渾河來援。

大兵分路以進。

太祖高皇帝復勅後軍往助衝擊。策兵大敗，追擊至渾河。兵盡溺。策及叅將張名世死之。總兵李秉誠、朱萬良、姜弼領騎兵三萬來援。

太祖命雅遜率護軍二百往偵，援兵前進。雅遜退，援兵遙躡其後。

太祖聞之，怒欲自往擊。

太宗文皇帝請行，領軍疾馳迎戰。援兵之躡雅遜者潰奔，掩擊至白塔鋪，遇秉誠等方布陣。

太宗不待後軍至，即率百騎進擊。秉誠萬良弼驚遁，適大貝勒代善、台吉岳托軍亦至，同追擊四十里，斬首三

千級而還。

太祖復擊渾河，以南步兵破其營。副將董仲貴等戰死，衆

盡殲游擊周敦吉副將戚金叅將吳文傑都司袁見  
龍鄧起龍守備雷安民雲南都司張名世石砭都司  
秦邦屏**質實**白塔舖在承德縣南二十里有河源出  
等皆死

老堂峪西流入渾河賀世賢榆林衛人

戰歿後或疑其叛降故恤典不及本朝乾隆四十  
一年追謚忠烈九世功榆林衛人官左都督贈少保

世廕三級再廕指揮僉事世襲賜祭葬建祠曰愍忠  
乾隆四十一年追謚烈愍夏國卿陳柏里系無考段

展涇陽人乾隆四十一年俱追賜節愍張名世山陰  
人陳策李秉謙朱萬良姜弼里系無考乾隆四十一

年俱追謚烈愍董仲貴一作仲揆南京人萬厯末擢  
副總兵督川兵援遼及瀋陽戰死贈都督同知世廕

三級祠祀乾隆四十一年追謚烈愍周敦吉戚金吳  
文傑袁見龍鄧起龍雷安民里系無攷秦邦屏忠州

人乾隆四十一年俱追謚烈愍

大清兵取遼陽經畧袁應泰巡按御史張銓等死之

時我

太祖高皇帝既得瀋陽集貝勒諸臣議以瀋陽已拔宜乘勢長驅遂進兵窺取遼陽袁應泰方撤奉集威寧諸軍并力守禦開太子河引水注濠沿濠列火器四面守禦甚嚴

大兵至城總兵李懷信等率兵五萬出城五里結營

太祖命左四旗兵擊其左

太宗文皇帝請留二紅旗兵于城傍覘視而自引軍衝擊

其營會左四旗兵亦至夾攻之懷信兵大亂奔潰太宗乘勝追擊六十里方接戰時遼陽兵自西關出投留

後之二紅旗兵見而邀擊驅令奔回遼陽兵爭入出蹂踐死者枕藉翌日

大兵掘城西閘以洩濠水分兵塞城東進水口

太祖親率右翼兵布楯車堵列城隅以衛衆軍遼陽步騎

三萬出東門列營相拒右翼諸將遣人馳告曰掘牖口不若奪橋易也

太祖

即諭令往奪果得之會壅過水口將涸右四旗前隊軍渡濠大呼掩擊東門外營方鏖戰

大兵紅甲二百白旗兵千並直遼陽騎兵逆敗各貝勒部下白甲精銳護軍忽大呼奮射而入遼陽步兵亦敗望城奔竄

大兵乘勝縱擊至東門外遼陽兵死者濠塹皆滿水盡赤時左四旗兵奪武靖門橋分擊守濠者城上下發火器抗拒

大兵奮勇衝突樹梯登城逆奪西城城中驚擾大亂日將夕左四旗

大兵已登城是夜城中舉火列炬拒戰達旦守城官牛維曜高出等及衆軍民多乘亂縋城而遁翌旦復列橋大戰又敗右四旗

大兵復登城逆克遼陽總兵朱萬良副將梁仲善叅將

王宥房承勲游擊李尚義張繩武都司徐國全王宗  
盛守備李廷幹等皆戰死先是攻城時袁應泰居城  
北鎮遠樓知事不濟嘆息謂巡按御史張銓曰吾當  
死於此無守城責宜急去退保河西圖後舉銓曰不  
可應泰遂佩劍印自縊死婦弟姚居秀從之僕唐世  
明憑屍大慟縱火焚樓死銓被執不肯降

太祖命賜死以遂其志  
太宗惜銓欲生之婉諭再四終不可奪不得已縊而葬之

分守道何廷魁懷印綬率其妾高氏金氏投井死婢  
僕從者六人僉事崔儒秀戎服自經於都司署

太祖入遼陽城百姓皆呼萬歲  
太祖命皇子台吉德格類姪台吉塞桑古八大臣率引兵

千人安撫居民至海州城中官吏及富殷之家張鼓  
樂肩輿迎二台吉攬轡傳令禁軍士擾害不得奪民  
財物二台吉宿公解中軍士俱屯城上禁勿入民家  
遼陽既下遼東之三河等五十寨及河東大小七十

餘城盡望風降 質實

太子河在遼陽州北十五里即古大梁水又名東梁河源出薩穆禪山自葦子

峪東入西南流至州西北合渾河又西至海城縣西北入遼河河西時以遼河之東為河東遼河之西為

河西袁應泰本朝乾隆四十一年追謚忠節牛維曜商州人高出萊陽人梁仲善里系無攷乾隆四十

一年追謚烈愍王勇房承勲李尚義王宗盛李廷幹里系無攷張繩武本姓陳一作神武新建人乾隆四十

十一年追謚烈愍徐國全里系無攷何廷魁字汝謙大同人崔儒秀字儼初陝州人乾隆四十一年追謚

節愍

# 援遼都司毛文龍集兵皮島

時沿海居民以河東失事皆航海走山東不能達者棲止各島間文龍率援師至皮島島在登萊大海謂

之東江地廣衍有險可恃文龍乃招集逃民為兵分  
布哨船聯接登舟為犄角計朝議是之授文龍叅將

質寶

毛文龍  
仁和人

夏四月延綏孤山城陷

是月癸丑城陷三十  
五丈入地二丈七尺

賈繼春削籍

御史賈繼春初以移宮事具揭奉旨切責復上言自  
明効忠規勸之意吏部尚書周嘉模及九卿科道等  
懇請優容帝意  
不回遂削籍去

五月壬申朔日有食之



# 以王化貞巡撫廣寧

化貞前以叅議守廣寧朱童勘事還極言化貞得蒙  
古西部心勿輕調化貞亦言遼事將壞惟發帑金百  
萬亟款西部會遼遠相繼失廷議將起廷弼御史方  
震儒請加化貞秩便宜行事今與薛國用同守河西  
乃進化貞右僉都御史巡撫廣寧廣寧城在山隈登  
山可俯瞰城內恃三岔河為阻又水淺可涉廣寧止  
屛卒千化貞招集散亡復得萬餘人激勵士民聯給  
西部人心稍安中朝謂其才足恃悉以河西事付之  
化貞又以登萊天津兵可不設諸鎮入衛兵可止當  
事益信其才所奏請輒報可時金復衛軍民及山東  
礦徒多結砦自固以待官軍其逃入朝鮮者亦不下  
二萬化貞請鼓舞諸人優以爵祿俾自奮於功名並請  
招諭朝鮮實金復衛金州衛在明遼東都司城南  
帝從之實六百里今寧海縣境復州衛在明遼

東都司城南四百二十里今復州境俱屬奉天府薛國用洛陽人歷官山東右叅政分守遼海道以右僉都御史代應泰巡撫遼東應泰死代為經略

### 立皇后張氏

后祥符人時大學士劉一燦及御史畢佐周劉藺請遣客氏出外帝戀不忍舍曰皇后幼賴媼保護俟皇祖大葬後議之又以大昏禮成應魏忠賢姪二人給事中程沅周之綱奏祖制非軍功不襲國典不當濫予不聽

### 太監魏忠賢矯詔殺司禮太監王安

帝命安掌司禮監安以故事辭客氏勸帝從其請與忠賢謀殺之忠賢猶豫未忍客氏曰爾我孰若西李而

欲遣忠耶忠賢意乃決喉給事中霍維華論安降充南海子淨軍而以劉朝為南海子提督使殺安朝故李選侍私閹以移宮盜庫下獄宥出者既至絕安食取蘿落中蘆菹啗之三曰猶不死乃撲殺之質

實

王安於莊烈帝時賜祠額曰昭忠霍維華東光人

### 魏忠賢閱章奏

忠賢不知書頗強記猜忌陰毒奸諛帝深任信用司禮監王體乾及李永貞石元雅涂文輔等為腹心凡章奏永貞等先閱視鈐識款要白忠賢議可否然後行帝性機巧好親斧鋸椎鑿髹漆之事每引繩削墨忠賢輒奏事帝厭之謬曰朕已悉矣汝輩好為之忠賢因得擅威福

### 六月廣東地出血

明事至熹宗執已一蹶不振況復身親賤使欲與巧匠爭工其為容魏煬蔽實由自取但自古閹奴乘隙為奸亦自師承有本如秦趙高候二世燕樂促令李

斯奏事以激其  
怒唐仇士良教  
其黨云天子不  
可令常閒宜娛  
其耳目無暇反  
他事然後吾輩  
可以得志觀忠  
賢故智前後如  
出一轍可見宵  
小肺腸不謀而  
合無如昏庸者  
明知覆轍而蹈  
之

庚寅日啟慶王民骸積  
冢中庾噴血如跑突泉

### 起熊廷弼經略遼東

初廷弼雖罷帝念其守遼功仍議起用潘陽破廷臣  
復思廷弼給事中郭鞏力詆之及遼陽繼失河西軍  
民盡奔自塔山至闕陽二百餘里烟火斷絕京師大  
震劉一燝曰使廷弼在遼當不至此御史江秉謙追  
言廷弼守遼功且以排擠勞臣為鞏罪帝乃治前劾  
廷弼者貶馮三元張修德魏應嘉郭鞏等秩除姚宗  
文名御史劉廷宣救之亦被斥乃詔起廷弼於家及  
是廷弼入朝首請免言官貶謫帝不可乃建三方布  
置策廣寧用馬步兵列壘三岔河上天津登萊各置  
舟師設登萊巡撫如天津而山海特設經略節制三  
方以一事權遂命廷弼以兵部尚書兼右副都御史  
駐山海關經略遼東軍務賜上方劍請調兵十餘萬

以兵馬劄糧器械之屬責成戶兵工三部廷弼因奏請復監軍道高出胡嘉棟督餉郎中傅國等官令其任事又議用遼人故贊畫主事劉國縉為登萊招練副使夔州同知佟卜年為登萊監軍僉事故臨洮推官洪敷教為職方主事軍前贊畫收拾遼人心並報允七月廷弼行特賜麒麟服一彩幣四宴之郊外令文武大臣陪餞異數也先是袁應泰死薛國用代為經略並不任事化貞乃部署諸將沿河設六營營制參將一守備二分守諸要害各設戍防議既上廷弼疏言河窰難恃堡小難容今日但宜固守廣寧若駐兵河上兵分則力弱倘輕騎潛渡直攻一營力必不支一營潰則諸營俱潰西平諸戍不能守河上止宜置游徼兵更番出入示以不測不宜屯聚一處為人所乘自河抵廣寧止宜多置烽墩西平諸處止宜稍置戍兵為傳烽哨探之用而大兵悉聚廣寧於城外倚角立營深壘高柵以俟蓋遼陽去廣寧三百六十

里非飛騎一日所能到有聲息我必預知斷不宜分  
兵防河先為自弱之計疏入優旨褒答會御史方震  
儒亦言河防不足恃議乃寢化貞以計不行愠甚盡  
委軍事於廷弼廷弼請申諭化貞不得借口節制坐  
失事機先是四方援遼之師化貞悉改為平遼遼人  
多不悅廷弼言遼人未叛乞改平遼名以安其心自  
是化貞與廷弼有**實實**塔山在承德縣東南四十里  
隙而經撫不和**山上有城閭陽城名在錦州**  
府黃寧縣西南五十五里今為驛江秉謙字兆豫歟  
人郭鞏遷安人方震儒字孩未桐城人高出萊陽人  
胡嘉棟  
西華人

# 以張鶴鳴為兵部尚書

初鶴鳴巡撫貴州威名甚著遷兵部右侍郎總督陝  
西三邊軍務尋轉左侍郎佐理部事時兵事亟兵部

增設二侍郎而鶴鳴與祁伯裕王在晉並卧家園不  
赴及是右侍郎張繼世督援師出關部中遂無侍郎  
言官請趣鶴鳴章數十上乃勉期令兵部馬上督催  
始履任至則論前平苗功進本部尚書視侍郎事尚  
書王象乾出督薊遼軍務遂代其位給事中韋蕃請  
留象乾出鶴鳴督師忤旨謫外鶴鳴與經略熊廷弼  
相失論事多齟齬獨喜巡撫王化貞化貞本庸才好  
大言鶴鳴主之所奏請無不從令無受廷弼節度中  
外皆知經撫不和必誤封疆而鶴  
鳴信貞化愈篤卒致疆事大壞

秋七月順天蝗

八月以毛文龍為總兵官駐師鎮江城

時廷弼奏言三方建置須聯絡朝鮮請遣使往勞俾  
盡發兵連營江上助我聲勢再詔恤遼人之避難朝

鮮者招集團練別為一軍與朝鮮軍合勢使臣即權  
駐義州控制聯絡與登萊聲息相通更發銀六萬兩  
分犒朝鮮友道人乞給空名剄付百道東山礦徒能  
結聚千人者即署都司五百人者署守備一二萬効  
兵可立致也因薦監軍副使梁之垣充命使帝從之  
方與所司議兵餉而毛文龍適以島山兵襲取鎮江  
時我

大兵鎮江守將陳良策潛通于文龍故文龍引兵取其  
城王化貞遽以大捷奏舉朝皆喜化貞遂請授文龍  
總兵官設軍鎮皮島廷議亟發天津登萊水師二萬  
援文龍化貞督廣寧軍四萬進據河上合諸蒙古軍  
乘機進取張鶴鳴以為然奏言時不可失促進師廷  
弼言三方兵力未集文龍發之太早亂三方並進之  
謀誤屬國聯絡之計時朝士方以鎮江為奇捷聞其  
言多不服廷弼又顯詆鶴鳴謂臣既任經略四方援  
兵宜聽臣調遣乃鶴鳴竟自發戍不令臣知臣咨部



問調軍之數亦不答臣有經畧名而無其實遼左事  
惟樞臣撫臣共為之鶴鳴蓋恨化貞又言西部兵四  
十萬且至請速濟師廷弼言撫臣侍西部欲以不戰  
為戰計臣未敢以為可也臣初三方布置必兵馬器  
械舟車芻茭無一不備而後尅期齊舉進足戰退亦  
足守今臨事中亂雖樞臣主謀於中撫臣決策於外  
而臣猶有萬一實實義州在錦州府北九十里遼置  
不必為之慮也宜州崇義軍金改置義州屬北  
京路元屬大寧路明置義州衛屬遼東都指  
揮使司今為義州屬錦州府梁之垣登州人

### 王化貞渡河進師無功而還

化貞既渡河廷弼不得已出國次右屯而馳奏海州  
取易守艱不宜輕舉化貞為人驕而愎素不習兵安  
意降將李永芳為內應又信西部言謂助兵四十萬  
遂欲以不戰取全勝一切士馬甲仗糗糧營壘俱置

不問務為大言以周中朝謂仲秋之月可高枕而聽捷音尚書鶴鳴深信之以故廷弼不得行其志及是西部兵不至化貞亦不敢進後十月河水合廣寧人謂

大清兵必渡河競謀竄逸化貞乃與震儒計分兵守鎮武西平閭陽鎮寧諸城堡而以重師守廣寧鶴鳴亦以廣寧可慮謂勅廷弼出關策應廷弼上言樞臣第知經畧一出足鎮人心不知徒手之經畧一出其動搖人心更甚且臣駐廣寧化貞駐何地鶴鳴責經撫協心同力而樞臣與經臣獨不當協心同力乎為今日計惟樞部俯同於臣臣始得為陛下任東方事也既而廷弼復出關至右屯議以重兵內護廣寧外扼鎮武閭陽乃令劉渠以二萬人守鎮武祁秉忠以萬人守閭陽羅一貫以三千人守西平部署甫定化貞又信諜者言遠發兵質實西平堡名在廣寧縣東劉襲海州旋亦引還渠保定人祁秉忠西寧世

襲土司羅一貫甘州衛人本  
朝乾隆四十一年俱追謚烈愍

# 九月葬慶陵

謚曰崇天契道英睿恭純憲文景  
武淵仁懿孝貞皇帝廟號光宗  
景質實慶陵在昌平  
峯之右○明史贊曰光宗潛德久彰海內屬望而天  
不假年措施未展三案搆爭黨禍益熾可哀也夫

## 賜客氏香火田

帝以客氏保護功命戶部擇田二十頃以為香火之  
用魏忠賢以陵功告成錄叙御史王心一疏言梓宮  
未殯先規客氏之香火陵工既成強入忠賢之勤勞  
於禮為不順於事為失宜忠臣愛君必防其漸帝怒

責質實王一心  
之質實吳縣人

四川永寧土司奢崇明反

永寧奢氏探種也洪武中歸附世為宣撫司傳至奢  
崇周無子崇明以疏屬襲外恭內陰鷙其子寅尤驍  
桀好亂時朝廷方遣官募川兵援遼崇明父子請行  
先遣土目樊龍張彤等以兵詣重慶巡撫徐可求議  
汰其老弱發餉餉復弗繼龍等遂鼓衆反殺可求及  
道府總兵等官二十餘人時土兵數千列江岸相應  
遂據重慶分兵攻合江納溪破瀘州陷遵義時遵義  
道李仙品叅將萬金督兵援遼俱赴重慶城中守備  
空虛通判袁任先期委城遁賊攻合州江津知州翁  
登彥知縣周禮嘉悉力捍禦不能破賊陷興文知縣  
張振德不屈率妻子赴火死崇明統所部與徽外諸  
蠻凡數萬播州遺孽及諸亡命奸人遽起附之全蜀  
震動崇明乘勢向成都官兵出拒者多敗冬十月崇  
明遣圍成都偽號大梁設丞相以下官時城中僅鎮

遠營兵七百餘人左布政使朱燮元將入覲蜀王以亂留治軍事燮元急趨近道兵赴援偕右布政使周著按察使林宰等分埤固守賊薄城燮元屢以火器却之至暮賊擁鉤梯數千攀城欲上燮元戒士卒第放礮礮石毋譁遲明賊積屍滿城下時濠水方涸賊率降民持篋束薪載濠石壘如山下架蓬單以避銃石伏弩仰射城中燮元夜縋壯士持芻塗膏殺守者縱火火舉山潰賊大沮燮元又遣人決都江堰水至濠濠滿城因治橋得少息尋斬入城為內應者二百人懸首埤上賊又於城四面立望樓高與城齊燮元曰賊設瞭望必四出剽掠其中虛遂命死士五百人突出擊之賊果無備斬三賊帥焚其樓賊少憚已而援兵漸集石砭女土官秦良玉先遣其弟民屏發兵四千倍道潛渡重慶自統精兵鼓行而西復新都他路援兵亦連勝賊然賊亦日增相持百餘日有俘民脫歸者言賊造旱船決勝負一日賊數千自林中大噪

出視之有物如舟高丈餘長五百尺樓數重簾幕左右板如平地一人披髮仗劍上載羽旗中數百人各挾機弩毒矢牛數百頭運石轂行旁翼兩雲樓如左右廣俯視城中城中人皆哭燹元曰此呂公車也破之非礮石不可乃用巨木為機關轉索發礮飛千鈞石擊之又以大礮擊牛牛返走賊大敗去會裨將劉養鯤言有諸生范祖文鄒尉陷賊中遣孔之譚來約賊將羅乾象欲自拔効用燹元即遣之譚復往至則與乾象俱來燹元方卧戍樓呼與飲乾象哀甲佩刀燹元不之疑就榻呼同卧酣寢達旦乾象感激誓以死報許之縋而出後賊營舉動悉知踰數日乾象誘衆明至城下伏起崇明跳兇乾象縱火焚營賊兵亂崇明父子倉皇走瀘州乾象以衆來歸成都圍解時二年正月也事聞以燹元為四川巡撫帥師追崇明乘勢復州縣衛所四十餘惟樊龍抗重慶不下燹元督良玉等奪二郎關據其陝佛圖關亦為總兵杜文

煥所破諸將逼重慶而軍城中乏食樊元以計擒樊龍殺之張彤亦為亂兵所戮遂復重慶瀘州尋亦復

按當時重慶被害者道臣孫好古駱日升李繼周知府章文炳同知王世科熊嗣先推官王三宅知縣段高選總兵黃守魁王守忠叅將萬金王高爵其入城死賊遇伏死者原任鞏昌同知董盡倫賊薄成都時陷陣死者有指揮丹世法雷安世瞿英其遇賊不降者有指揮周邦泰遇賊走免者有指揮張愷焉

**質實**

合州隋涪州唐合州宋屬潼川府元屬重慶路明屬重慶府今因之二郛關在重慶府巴縣西北六

十里佛圖關在巴縣西十里即李嚴欲鑿通汶江處為重慶要津津上有石佛像故名孫可求衢州西安人張振德字季修崑山人朱燮元字懋和浙江山陰人周著南昌人林宰漳浦人

謫給事中侯震賜於外

初客氏已出宮復名入震賜奏曰皇上於客氏始而徘徊眷注稍遲其出猶可言也出而再入不可言也奸黨羣小睥睨其側內外鈞連借叢煬竈有不忍言者么麼里婦何堪數昵至尊哉上怒謫之時倪思輝朱欽相王心一相繼疏劾皆降謫  
吏部尚書周嘉謨論救永不報  
實實  
侯震賜字得一嘉定人倪思輝祁門人朱欽相臨川人

## 十二月罷吏部尚書周嘉謨

神宗末齊楚浙三黨為政黜陟之權吏部不能舉及嘉謨為尚書大起廢籍向稱三黨之魁者漸自引去惡霍維華傾狡出之外魏忠賢怒嗾給事中孫杰劾嘉謨受劉燝一屬為王安報仇嘉謨遂罷歸

實  
孫杰錢塘人



二年春正月我

大清兵取西平堡副將羅一貫死之

先是化貞凡五出師輒引還李永芳不應西部亦不至廷弼乞勅化貞慎重舉止化貞上言願請兵六萬一舉蕩平因請便宜行事時葉向高當國化貞座主也頗右之廷臣惟太僕少卿何喬遠御史江東謙周宗建等與廷弼合餘皆右化貞令毋受廷弼節制廷弼抗疏言臣以東西南北所欲殺之人適遘事機難處之會諸臣能為封疆容則容之不能為門戶容則去之何必內借閣臣外借撫道以相困又言經撫不和侍有言官言官交攻侍有樞部樞部佐鬪侍有閣臣今無望矣帝令羣臣議兩人去留時中外俱知經撫不和必誤封疆大事而張鶴鳴篤信化貞請撤廷弼他用帝不從責再議議未上而

太祖高皇帝命兵守遼陽

親率貝勒大臣及東兵進攻由東昌堡遂渡遼陽防河兵卒見

大清兵勢不可當俱遁走

大軍前隊精銳追擊二十里外遂至西平堡全軍繼至

圍攻之招副將羅一貫降不從布梯質實

東昌西平兩堡俱遼

河上在廣

寧縣東

王化貞棄廣寧與廷弼走入關

化貞遣游擊孫得功參將祖大壽合總兵祁秉忠赴援廷弼亦檄總兵劉渠會師前進與

大清兵遇乘機急戰

大兵不服布陣即飛馳突入奮射衝擊所向披靡得功

呼曰兵敗矣遂與叅將鮑承先等先奔

大兵乘勝追擊五十里斬殺無算至平陽橋渠東忠及副將劉徵叅將黑雲鶴等皆死之全軍盡沒大壽走覺華島得功請降得功素為化貞心腹及是欲生縛化貞以為功時

大清兵頓沙嶺未進得功揚言兵已薄城居民驚竄叅政高邦佐禁之不能止化貞方闔署理軍書不知也叅將江朝棟排闥入大呼曰事急矣請公速去化貞莫知所為朝棟掖之出上馬僕二人徒步從遂棄廣寧踉蹌西走得功偕守備黃進千總郎紹貞陸國志等降於我

大清遠近四十餘城守禦官皆率屬降先是廷弼離右屯次閭陽驛間敗叅議邢慎言請馳救為僉事韓初命所阻遂退還及化貞棄城走廷弼遇之大凌河化貞哭廷弼微笑曰六萬衆一舉蕩平何如化貞慙議守寧遠及前屯廷弼曰嘻已晚惟護難民入關可耳

乃以所將五千人授化貞為殿盡焚積聚與副使高出  
胡嘉棟等先後入關獨邦佐至杏山驛自經死我  
大軍至錦州駐營大貝勒與

太宗

文皇帝引兵至義州克之而還敗聞至京師鶴鳴懼

罪因自請視師結事中侯震賜少卿馮從吾董應舉  
請並逮化貞廷弼以中國法獄具二人並論死鶴鳴  
尋亦  
罷歸  
**質實**  
上  
有海雲龍宮二寺沙嶺在廣寧縣東右

屯明都司城西五百四十里前屯明都司城西九百  
六十里洪武時以元瑞州置廣寧前屯衛今屯俱廢  
故城在寧遠州西南大凌河源出大寧經廣寧界入  
海杏山驛在錦縣西南四十里劉徹黑雲鶴里系無  
考  
本朝乾隆四十一年俱追賜烈愍高邦佐字以  
道襄陽人邢慎言益都人馮從吾字仲好長興人董  
應舉字崇  
相閩人

## 二月貴州水西土目安邦彥反

邦彥水西宣慰使安堯臣族子堯臣死妻奢社輝撫幼子安位襲職邦彥挾之反社輝即奢崇明女弟也嘗與崇明子寅爭地相仇而邦彥素懷異志與崇明合及崇明反或傳其已陷成都邦彥遂挾位以叛為崇明聲援自稱羅甸大王率兵首襲畢節陷之時諸部頭目安邦俊安若山陳其愚陳萬典等蠶起為助乃分兵西破安順霑益東下襲安偏橋而邦彥自統水西軍渡陸廣河直趨貴陽百計攻城當是時永寧未平水西又起貴陽城中藩臬守令咸入覲巡撫李樞方受代聞變與巡按御史史永安提學僉事劉錫元悉力拒守學官及諸生亦督兵民分堞以守賊不能陷時烏撒衛已破指揮管良相死之鎮將張永芳將兵二萬赴援隔龍里不得進諸將為一龍白身強皆戰歿外援遂絕城中糧盡先食糠粃草木敗草遂

食死人後乃食生人至親屬相啜里居叅政潘潤民一女被食知縣周思稷自殺以饗軍其存者卒誓死守不遺餘力中朝方亟遼事不能顧久之新撫王三善大會將士議曰省城不能待笑外援不至吾輩死法死敵等死耳尚何恃邪遂分兵三路追街校疾走追不許退前部斬賊首一人賊衆披靡遂奪龍里城乘勢急擊安邦俊被銳死邦彥駭走遂直抵貴陽城下先以五騎傳呼曰新撫至矣舉城歡呼更生貴陽被圍十餘月城中戶十萬餘至是僅存二百人而孤城卒全皆檣及永安錫元功也時議與朱燦元之守成都並實安順元州明為府今因之甕安明縣今稱焉屬貴州平越府陸廣河在貴陽府修文縣境其工源出安順府曰滴澄河下流入遵義府為烏江烏撒衛舊烏蠻地明洪武十五年建衛隸烏軍民府東距貴州界二百五十里李深字長孺鄞人史永安武定人劉錫元長洲人王三善字彭伯永城人

以孫承宗為兵部尚書兼東閣大學士預機務

初廷臣以承宗知兵推為兵部添設侍郎主東事帝不欲承宗離講筵不許既擢禮部右侍郎協理詹事府會廣寧既失東事益急遂拜承宗為兵部尚書兼東閣大學士又從御史左光斗請命承宗以閣臣理部事承宗上疏曰邇年兵多不練餉多不覈以將用兵而以文官招練以將臨陣而以文官指發以武畧備邊而日增置文官於幕以邊任經撫而日問戰守於朝此極弊也今天下當重將權擇沈雄有氣畧者授之節鉞得自辟置偏裨以下勿使文吏用小見沾沾陵其上邊事小勝小敗皆不足問要使守關無闕入而徐為恢復計因列上撫西部恤邊民減京軍增永平大將修薊鎮亭障開東京屯田數策帝嘉納焉承宗又請下廷弼于理與化貞並謝用正朝士黨諶又請逮給事中明時舉御史李達以懲四川之招兵致

冠者又請詰責遼東巡按方震儒登萊將軍梁之垣以驚在位之馱馱者諸人以次獲譴朝右亦聳然側目

**實實**

孫承宗字雅繩高陽人明時舉南元人李達安居人

### 三月劉一燝罷

初陵工成忠賢欲以為功一燝援故事內臣非司禮掌印及提督陵功不得濫陞止擬加恩諸言官論客氏被譴者一燝皆疏救又請出客氏於外及言官交章論沈淮淮疑一燝主之與忠賢比而歸一燝一燝持大體不徇言路魏客用事一燝勢孤既而霍維華外轉其同官孫杰疑一燝屬周嘉謨為之上疏力攻一燝一燝疏辨求罷忠賢從中構之帝始慰留既允其去葉向高言客氏既出復入一燝復命大臣乃不得比保姆致使人揣摩于與窻不可知之地其漸當防不聽



# 舉內操

魏忠賢勸帝選武闥鍊火器又日引帝為倡優聲伎  
狗馬射獵給事中惠世揚周朝瑞御史江秉謙等劾  
沈澶交通閹人弄兵大內中旨切責侯震賜黃尊素  
等先後疏諫皆不聽迨後內操增至萬人裹甲出入

鉦礮喧

震內外

實實黃尊素字真

長餘姚人

夏四月禮部尚書孫慎行追論前輔方從哲進紅丸罪

初先宗大漸鴻臚寺丞李可灼以紅鉛丸藥進俄帝  
崩廷臣交章劾之大學士方從哲擬旨令引疾歸賚  
以金幣至是慎行以召還朝即追劾紅丸事斥從哲  
為弒逆上疏曰先帝驟崩雖云風疾寔緣醫人用藥  
不審閱邸報知李可灼紅丸乃首輔方從哲所進夫  
可灼官非太醫紅丸不知何藥乃敢突然以進昔許

悼公飲世子藥而卒世子即自殺春秋猶書之為弑然則從哲宜何居連引劍自殺以謝先帝義之上也合門席藁以待司寇義之次也乃悍然不顧至舉朝共攻可灼僅令回籍豈以己實薦之恐與同罪歟臣以為從哲縱無弑之心却有弑之事欲辭弑之名難免弑之實百口不能為天下萬世解也後此則有選侍垂簾聽政事劉遜李進忠么麼小豎何遂大膽揚言說者謂二豎早以金寶輔從哲家若非九卿臺諫力請移宮選侍一日得志陛下幾無跽足聞爾時從哲濡遲不進科臣保之則云遲數日無害任婦寺之縱橫忍君父之仇母詢近習近習皆從哲所攀援也此賊雪不共之仇母詢近習皆從哲所攀援也毋拘忌諱忌諱即從哲所布置也并請即誅可灼以洩神人之憤時朝野方惡從哲慎刑論雖過刻皆爭建其言顧迨習多為從哲地帝乃報曰舊輔素慎事係傳聞下廷臣集議都御史鄒元標主慎行疏從哲

奏辨自請削官階投四裔帝慰諭之給事中魏大中  
以九卿議久稽趣之時議者一百十有餘人紛紛俱  
罪從哲獨刑部尚書黃克纘及給事中汪慶百等數  
人右之希肉廷意也慎行復疏折之且言克纘之謬  
于是大學士韓爌述進藥始末尚書張問達合奏言  
慎行論可灼進紅丸事可灼先見內閣臣等初未知  
及先帝召見乾清宮輔臣與臣等俱慎重未聽決及  
宣臣等入宮先帝問可灼安在可灼至進紅丸少傾  
復進一丸先帝服藥微汗身溫熱就寢臣等所共見  
聞輔臣視先帝疾急迫倉皇截逆二字何忍言但可  
灼非醫官且非知醫脈者以藥嘗試先帝龍馭即工  
井非但從哲未能止臣等亦未能止均有罪焉乃從  
哲反責可灼及御史王安舜有言先止罰俸繼令養  
疾失之太輕何以慰皇考服中外宜如從哲請削其  
官階為法任咎至可灼罪不容誅而在文昇當皇考  
哀感時安進大黃涼藥罪又在可灼上法皆宜顯戮

以浸公債議上可灼遣戍文質實  
魏大中字孔時嘉善人黃克纘字紹

夫晉  
江人

## 大雨雹

累月不雨陰風怒號雹如雞子大著屋瓦磧俱碎草木稼毀折不可勝紀御史周宗建謂陰盛陽衰之徵疏陳四事一攻大學士沈淮一請寬建言廢黜諸臣一言熊廷弼已有成獄不當因此羅織朝士一專詆魏忠賢言忠賢目不識丁陰賊險狠陛下用人行政一切墮于其術恐離間之漸將起于蠅營讒搆之釁必生於長舌忠賢見疏恨刺骨

## 五月中月星並見

孫慎行以為大異上疏請修省

王森以邪術倡教廣聚妖徒蔓延數省實為地方大害即當嚴

急窮治以永靖根株乃森既攝錄有司尚令其倖逃三尺而其子及徒黨之皆概如寬縱遂致遺孽復滋敢于盜弄潢池所至悉遭殘破總由政刑叢睦匪徒無所畏懲而妖賊橫行蓋亦亡

### 山東白蓮賊徐鴻儒作亂

初薊州人王森嘗救一妖狐狐斷尾令藏之招人人聞異香多歸附遂倡白蓮教自稱聞香教主其徒有大小傳頭及會主諸號蔓延畿輔山東山西河南及陝西四川後森為有司所攝斃於獄其子好賢與武邑子宏志鉅野徐鴻儒輩踵其教徒黨益眾躡擾山東幾二十年至是好賢見遼東盡失四方奸民思逞與鴻儒等約是年中秋並起兵會謀泄鴻儒先自號中興福烈帝稱大成興勝元年用紅巾為識遂陷鄆城曹濮騷動四川妖賊又助之依復陷鄆滕嶧三縣鄆縣五經博士孟承光被執不屈死滕縣知縣姬文允視事甫三日城破登堂自經死以印畀小吏魏顯照及家僮李守務賊掠顯照索印顯照潛授其父而與

守務並罵賊死時山東鄒縣無守備亦不置重兵巡撫趙彥練民兵增諸要地請留京操班軍及廣東援遼軍以備征調薦起故大同總兵官楊肇基統山東軍討賊賊乘肇基未至襲兗州為滋陽知縣楊栖及都司楊國棟所敗已而犯夏鎮韓莊劫掠漕艘官軍連破之運道始通賊又攻曲阜領馬步萬餘擁至城下知縣孔聞禮率民兵力禦賊不能克引去時賊精銳聚鄒滕間彥欲攻鄒縣副使徐從治曰攻鄒滕難下不如擣其中堅兩城可圖也彥乃與肇基令游兵綴賊鄒城而以大軍擊賊銳精蹙而殪之嶧山遂圍鄒大小數十戰城未下乃令天津僉事來斯行及國棟乘間復滕縣國棟又大破賊于沙河乃築長圍困之賊食盡其黨皆出降鴻儒輩騎走擒之送京師磔于市鴻儒臨刑嘆曰我與王好賢父子經營二十年徒黨不下二百萬事不成天也鴻儒舉事凡七月而滅方鴻儒之未滅也于宏志亦起兵武邑應之殺人

祭旗聲言取景州焚掠四十餘里官兵勦捕于宏志立馮伏弓飛舞而迎官兵斬之於馬下餘賊遂四散王好賢見鴻儒敗孽家人南走至揚州事露就擒時論平賊功趙彥加兵部尚書餘進秩有差復以言官請修復孟廟命官致**質實**孟承光字永觀亞聖裔姪祭且恤孟氏子孫

膚施人徐從治字仲華海鹽人來斯行蕭山人

**發明**

徐鴻儒等以邪教聚衆作亂至僭號改元攻破州縣此非尋常盜賊竊發者可比觀鴻儒

自稱經營二十年徒黨不下二百萬豈當時文吏武臣皆毫無所聞見而養癰貽患至此即鴻儒被擒之後餘黨正多當時殊鴻儒而外不聞搜捕根治使餘孽盡除而惟以寬縱了事夫平民從賊間有出于劫脅者然其中豈無為賊腹心爪牙之人乃以其黨出降悉置不問獨不念攻城破邑害官

殺民荼毒之罪有不容輕逭者乎平時既漫無覺  
察事起則又一于玩弛此賊盜所以日盛而肆無  
畏忌馴至流賊熾而猶以議撫為事涓涓  
不息將成江河姑息之為害不其甚歟

## 六月以毛文龍為平遼總兵官

先是文龍襲取鎮江報巡撫王化貞而不及經畧熊  
廷弼兩人隙始開時用事者方主化貞遂授文龍總  
兵官如內地及島亦謂之東江在東萊大海中綿亘八十  
里不生草木遠南岸近北岸北岸海面八十里即抵  
大清界其東北界則朝鮮也島上兵本河東民自天啓  
元年河東失民多逃島中文龍籠絡其民為兵分布  
哨船聯接登州以為犄角計中朝是之顧文龍所居  
東江形勢雖足牽制其人本無大畧往往卹敵歲糜  
餉無算且惟務廣招商賈販易禁物無事則鬻參販



布為業有事亦罕得其用焉

# 秋七月沈灌罷

刑部尚書王紀初因劾主事徐大化語隱及灌至是再疏直攻灌比之蔡京灌亦劾紀庇熊廷弼獄詔兩解之未幾紀削籍去葉向高言紀灌交攻俱失大臣體獨斥紀如公論何灌不自安乃引去自灌首進募

兵之策結交閣寺遊閑內操

**朝質實**

沈灌劾王紀庇議惡之及是罷歸後逾年卒

廷弼薦遼陽於卜年為監軍僉事張鶴鳴行邊以卜年嘗通李永芳謀叛欲以甚廷弼罪鎮撫司獄具移刑部紀與員外郎顧大章辨其誣改輕比故灌劾之王紀字維理芮城人顧大章字伯欽常熟人

# 八月以孫承宗經畧薊遼

初王化貞既失廣寧關外五城七十二堡悉為喀喇沁諸部所據聲言助邊實懷窺伺經畧王在晉與薊遼總督王象乾請給月糧歲費百萬又請築重關於八里鋪設守兵四萬人寧前兵備僉事表崇煥以為非策白之葉向高向高不能決承宗請身往定之乃詣關門相度還奏築重城不若築寧遠要害與覺華島相倚角因言在晉不足任自請督師帝許之賜尚方劍御門臨遣以寵其行承宗既至關定軍制申明職守以馬世龍為總兵官令游擊祖大壽等守覺華島副將趙率教守前屯前後築城堡數十練兵十一萬造鎧仗數百萬開屯田五千頃我

大清兵不深入而承宗防守嚴亦不至敗衄軍聲頗振方承宗之督師也辟職方主事鹿善繼為贊畫薦監軍副使閻鳴泰為遼東巡撫帝皆從之及至關命善繼治軍儲而以鳴泰無寔畧軍事多不與

議鳴泰快快求去承宗旋亦引疾帝乃罷鳴泰諭  
留承宗以張鳳翼為巡撫鳳翼怯力主守關議承  
宗不可乃復出關抵寧遠承宗然之議乃定命大  
壽興功崇煥及滿桂守之承宗將圖大舉請餉二  
十四萬帝即命所司給之兵工二部相與謀曰餉  
足渠即妄為改用文移往復緩之師竟不果出

質實

八里鋪在山海關外表崇煥字元素東莞人  
馬世龍字蒼元寧夏人趙率教陝西人本

朝乾隆四十一年追謚忠烈鹿善繼定興人  
滿桂蒙古人。喀喇沁舊作哈喇慎今  
改

# 九月增田賦

時增州縣兵御史馮質實  
英請計畝加餉從之  
馮英趙州寧晉人

封弟由檢為信王

即莊烈帝

上諭冊封信王於二十三日  
皇極門外東廡百官行禮

給事中甄淑疏請文武一例殿試

疏言武舉中式一百六十人以本等巾服謝恩職方司會  
同科道查明年貌勇力伎藝才德注本人名下十月  
上旬過堂令各陳所能先期演試十月望日皇上臨  
軒策問閣臣與兵部尚書侍郎班皇上欽定一甲三名  
授都司僉事二甲三十名授守備三甲百餘名以質  
次各授出身職方司遇缺即補定限三年內選完  
實按成化中太監汪直請武舉設科鄉試會試殿試  
悉如進士例不果行至是甄淑疏請之甄淑黃岡人

地震

先是二月濟南東昌河南海寧地震三月濟南東昌屬縣八連震三日至是平涼隆德諸縣及諸堡所地震如翻壞城垣七千九百餘丈屋宇萬一千八百餘區壓死男婦萬二千餘口後十一月陝西又震

冬十月左都御史鄒元標副都御史馮從吾罷

都門非講學之地朝官非講學之人鄒元標等身列大寮自當以政務為重顧猶循里居餘事而干輦轂近地設範分茅自高壇坫實非大臣所宜自處無論

初神宗時元標從吾以建言削籍里居講學垂數十年泰昌初兩入始台用已而同官都察院乃共建首善書院於京師御史周宗建董其事大學士葉向高為之記朝暇與同事高攀龍等講學其中名望日重而諸不附東林者咸忌之會明年當京察給事中朱童蒙鄒允厚郭興治慮為元標所黜童蒙乃首劾之以講學為門戶元標疏辨求去帝已慰留允厚復繼劾語尤妄誕而魏忠賢方竊政傳旨謂宋室之亡由於講學將加嚴遣從吾言宋之不競以禁講學故非以講學故也葉向高亦力為解且乞同去乃得溫旨

招聚生徒易涉黨援形迹即按之宋時四大書院遺意人地亦迥不相侔豈非循名而失其實乎在羣小憎其伉直借事生風力為攻訐甚至殃及先師本主其奸邪固不足責然元標等不從黃尊素之言致鼠輩得借為口實貽禍清流自檢亦已疎矣

而興治復力攻比元標於山東妖賊元標從吾遜並引歸先是書院方建御史黃尊素謂元標曰都門非講學地徐文貞已叢議於前矣謂徐階也元標不能用至是尊素言果驗元標從吾既歸羣小擊碎其碑暴于門外先師本主委棄路隅經史典籍盡被焚燬而院獨存後崇禎中禮部尚書徐光啓率西洋人湯若望等借院脩質實郭允厚曹州人郭興治東光人徐光啓字子先上海人歷署曰歷局

癸亥  
三年春正月以顧秉謙朱延禧朱國禎魏廣微並為禮部尚書兼東閣大學士預機務

廷推閣臣首列孫慎行盛以宏皆不用時魏忠賢用事因言官周宗建等首劾之忠賢於是謀結外廷諸臣秉謙廣微率先詣附霍維華孫杰之徒從而和之忠賢乃援秉謙廣微偕延禧國禎入閣時閣中已有

葉向高韓爌何宗彥朱國祚史繼偕又驟增四人直  
房幾不容坐秉謙廣微庸劣無恥忠賢得為羽翼勢  
並張而二人曲奉  
忠賢儼如奴役  
質實  
顧秉謙崑山人朱延禧聊城  
人朱國禎字文寧烏程人魏

廣微南樂  
人允貞子

# 紅毛番據澎湖

紅毛番即和蘭地近佛郎機在西南海中其人深目  
長鼻髮眉鬚皆赤足長尺有二寸頗倖倖常萬厯中  
福建商人歲給引往販呂宋諸國和蘭人就而轉販  
未敢窺中國也自佛郎機市香山據呂宋和蘭聞而慕  
之二十九年駕大艦攜巨礮直薄呂宋呂宋人力拒  
之則轉薄香山澳澳中人詰問言欲通市貢不敢為  
犯當事難之召其酋入城遊處一月不敢聞於朝乃  
遣還有海澄人李錦及奸商潘秀郭震販久與和蘭

人習語及中國事錦曰若欲通貢市無若漳州者漳  
南有澎湖與去海遠誠奪而有之貢市不難成也錦  
乃代為書移守戶即俾秀震齋書當事大駭繫秀於  
獄震不敢入初秀與苗約有成議乃聞而苗不及待  
即駕艦抵澎湖錦往偵被獲亦下獄已而議遣二人  
諭其苗還國且拘震與俱苗觀望不肯去時稅使高  
察者嗜賄甚隱遣心腹周之範詣苗說以三萬金餽  
察即許貢市苗喜盟有日矣會總兵施養政令都司  
沈有容將兵往諭有容負膽智大聲論說苗心折乃  
悔悟令之範還所贈金止有哆囉哩玻璃器及番刀  
番酒餽察乞代奏通市察不敢應而撫按嚴禁奸民  
下海犯者必誅由是接濟路窮番人乏食始揚帆去  
然時倭即機橫海上紅毛與爭雄復泛舟東來侵  
奪臺灣地築室耕田久留不去已又出據澎湖築城  
設守漸為求市計守戶懼禍說以毀城徙去即許互  
市至是果毀其城然據臺灣自若及互市不成復築



澎湖尋犯廈門官軍却之濱海郡邑為之戒嚴既而巡撫南居益請於朝發兵出擊持數月寇又不退乃大發兵諸軍齊進寇執竄運米入舟而去獨渠帥高文律等十二人據高樓自守諸將破擒之澎湖之警始熄其據臺

**質實**

和蘭明史外國傳和蘭本國去中國絕遠華人未嘗至其所恃惟巨

舟大礮舟長三十丈廣六丈厚二尺餘樹五桅後為三層樓旁設小廳置銅礮桅下置二丈巨鐵礮發之可洞裂石城震數十里世所稱紅夷礮即其製也桅後置照海鏡大徑數尺能照數百里云佛郎機近滿喇加正德中據其地迺其王遣使臣貢方物請封始知名呂宋在南海中去漳州甚近澎湖島名在今泉州府東海中與金門所相對宋史泉州東有海島曰澎湖烟火相望即其地也臺灣在福建泉州南海中古曰東番今為府屬福建布政司廈門在泉州府同安縣西南海中嘉禾嶼有城今設提督總兵官駐之分

巡道及府同知亦駐此沈有容字士宏宣城人南居  
益字思受渭南人後闖賊入關不屈死 本朝乾隆

四十一年

追諡忠烈

發明

和蘭僻在海島素不知名並非佛郎機呂宋  
諸國可比其薄香山澳求通貢市當事既已

難之則當奏聞於朝嚴拒其入乃招其酋入城遊  
處匝月使彼得窺中國所有益生艷戀而不肯去  
而奸商輩遂得肆其邪謀為之導誘皆始謀不臧  
蒙蔽養奸有以致之也至高案貪黷嗜賄通問私  
交令番酋生心輕視中國澎湖臺灣之警歷時不  
熄則尤此事罪魁時錦秀等論死戍邊而獨不聞  
治高案贖賄之罪是朝廷於致患之由固未周知  
亦不欲深究失刑漏網又豈獨高案一人已哉

遣中官刺邊事

唐時以宦官十  
道巡邊獎政豈

宜倣效無宗果  
欲洞悉邊事則  
于一切奏報虛  
心體察何處為  
將帥所蔽若中  
官出使方隅不  
過恣睢自肆其  
愛憎顛倒所言  
又豈可憑乃欲  
藉若輩為耳目  
謂可盡得邊情  
何異使聲者將  
命替者道行乎  
況柝人竊柄方  
欲借兵事以冒  
賞逞威熏宗又

帝好察邊情常遣中官詣閩門具事狀奏報名曰較  
事及魏忠賢竊柄遣其黨劉朝等四十五人齎甲仗  
弓矢白金文綺先後至山海關頒賚將士實覘軍也  
孫承宗疏言中使觀兵自古有戒當水旱荒疲之後  
將領罷邊籌而事迭迎士卒釋戈甲而供使役俱屬  
未便且山海關城知中使將出將吏憂懼即令命使  
已行無容追議恐後此創為  
事例不可不慎也帝不省

### 三月太白晝見

二月丙戌晝見至  
是月丁巳又見

### 夏四月京師地震

震日庚申朔也  
十月乙亥復震

從而傳之以翼  
偵亦甚矣

# 朱國祚罷

國祚在閣素行謹慎事持大體十三疏乞休遂許之  
未幾史繼偕亦致仕先是刑部尚書王紀為魏忠賢  
所逐國祚疏救復具揭爭之紀為禮部侍郎  
嘗以事忤國祚者也人以是稱國祚長者

# 五月四川總督朱燮元克永寧奢崇明走龍場

先是川兵既克重慶貴州兵亦復遵義已而遵義再  
為賊所陷推官馮鳳雛被死朝議加燮元兵部侍郎  
為四川總督討賊至是燮元謀直取永寧集將佐曰  
我久不得志於賊者我以分賊以合也乃盡撤諸軍  
會長寧連破賊砦與秦良玉合兵搏戰賊大敗遂入  
青崗坪抵城下援之降賊二萬副總兵秦衍祚等亦  
克遵義崇明父子逃入舊蘭州城尋為叅將羅乾象  
所攻克賊勢益蹙乃率餘衆走水西龍場借兵安邦

王三善進討奢  
酋雖連戰摧鋒  
軍聲頗振然亦  
值其敗竄之餘  
易于奏績並非  
有勝算獨揆況  
既薄賊巢益當  
衆勝掃除以清  
蠻菁乃三善輒  
因屢捷生驕淹  
留日久而于邦  
邦等假息浮魂

彥邦彥遣二軍窺遵義永寧變元又敗走之諸將乘  
勝鏖戰入龍場生擒崇明妻宋氏及其弟崇輝斬獲萬  
計崇明父子竄深箐得免時變元以永寧既拔蜀中  
已靖遂不窮追而貴州巡撫王三善以崇明竄入水  
西會師六萬進討屢戰皆捷遂渡渭河直抵大方入  
居安位第位與其母杜輝走火灼安邦彥匿織金皆  
不敢出三善既連破賊有輕敵心謂賊不足平駐大  
方久之會糧盡不得已退師乃焚大方廬舍而東賊  
躡之副總兵秦民屏叅將王建中戰歿三善遂為降  
賊陳其愚所害其愚者賊腹心先詐降三善信之令  
隨行遇賊其愚衝三善墮馬三善知有變急解印綬  
付家人欲拔刀自刎羣賊擁之去罵不屈遂遇害監  
軍副使岳其仰同知梁思恭主事田景實  
猷等四十人皆死之於是賊勢又熾  
永廳永寧縣東南與貴州大定府畢節縣接界今為  
營有守備駐此考此又一龍場非王守仁所誦之龍

實實

龍場在四川敘

竟爾置之不問  
致賊人得乘其  
退兵之隙尾躡  
搗狂前功盡棄  
皆由輕載老師  
坐取殞歿三善  
節雖可矜而咎  
固無可諒也

場驛也長寧隋瀘州地唐長寧州宋為軍明縣今因  
之青崗坪在敘永縣西亦曰青崗關蘭州城唐置州  
宋廢故城在今敘永縣東渭河在大定府治舊安氏據  
東南流會于陸廣河大方即今大定府治舊安氏據  
為巢穴火灼城名在黔西州北織金亦城名在黔西  
州西北地最深阻王三善崇禎初贈兵部尚書世廕  
錦衣僉事後又贈太子太保岳具仰延安人贈光  
祿卿田景猷貴州思南人贈太常卿並錄其一子

客氏魏忠賢殺光宗選侍趙氏幽裕妃張氏於別宮殺  
之

客魏肆惡慮妃嬪白其罪矯旨賜趙選侍自盡選侍  
出光宗賜物列于度西向禮佛痛哭自經坐裕妃別  
宮絕其飲食天雨妃匍匐承檐溜飲之而死皇后張  
氏素精明客魏憚之后又數于帝前刺客魏過失是

年后有娠客氏密布心腹宮人以計墮之帝用此乏嗣又於帝郊祀日掩殺帝所寵馮貴妃左右無敢言者范慧妃以譏失寵李成妃為之乞憐客魏知之亦幽成妃別宮成妃故鑒裕妃餓死預備食物壁間半月不死斥為宮人

發明

從來閹寺擅權必結宮闈以自固其間有害及宮闈者亦必藉寵盛之宮闈以肆其毒至

客魏肆惡已稔慮妃嬪白其罪竟敢矯旨殺先朝選侍浸假而出裕妃浸假而墮后胎殺貴妃幽成妃宮中生殺惟所欲為并不必有所憑藉此實前代所希聞者熹宗雖童騃至于不能保有妃嬪且不能保其子而不之覺殊出情理之外奸璫之壞朝政而害忠良莫甚于有明一代而若此之恣害宮闈作威擅殺即明季亦所未有楊建一疏所為擢髮數之而痛哭流涕者此也

冬十月以趙南星為吏部尚書

先是南星為左都御史慨然以整齊天下為己任與吏部尚書張問達掌京察故給事中忝詩教趙興邦官應震吳亮嗣先朝結黨亂政議黜之吏科都給事中魏應嘉力持不可南星特著四凶論卒澄汰之天下快甚又巡方者有提薦人材之例南星已奏止之而踵行如故南星復劾奏巡方者始知畏法至是問達羅南星代為吏部銳意澄清獨行已志政府及中貴憚其剛嚴不敢有所干請魏忠賢雅重南星名遣其甥傅應星謁見拒不納遇忠賢於朝正色語曰主上冲齡我輩內外臣子各宜努力為善忠賢嘿然怒形於色大學士魏廣徵南星友允貞子也素以通家子畜之廣徵入內閣三至南星門謝弗見又嘗歎曰見泉無子見泉允貞別號也廣徵恨剝骨與忠賢比而訖南星然當是時東林勢盛葉向高韓爌方輔政



南星掌銓李騰芳陳於廷佐之高攀龍楊遵左光斗  
象憲魏大中袁化中掌科道鄭三俊李邦華孫居相  
饒伸王之寀輩悉居卿貳而郎官鄒維璉夏嘉遇張  
光前程國祥劉廷諫等亦皆民譽衆正盈廷激揚風  
議忠賢頌憚之于質實李騰芳字子實湘潭人陳于  
外事未敢大肆廷字孟諤宜興人袁化中字  
民諧武定人鄭三俊字用章池州建德人鄒維璉字  
德耀瑞州新昌人張光前字爾荷澤州人程國祥字  
仲若上元人劉廷諫順天通州人

十二月封李倧為朝鮮國王

先是朝鮮國王李昖奏立其次子瑋為嗣禮部執立  
長之議不許萬曆三十六年昖卒瑋自稱署國事遣  
陪臣來計且請諡帝惡其擅不允三十七年十月始  
封瑋為國王從其臣民之請也諡昖曰昭敬天啟三

年四月國人廢瑋而立其姪  
之命權國事移文督撫轉奏毛文龍為之揭報登州  
巡撫袁可立上言瑋果不道宜聽太妃具奏以待中  
國更立疏留中八王妃疏請封琮禮部尚書林堯俞  
請遣信臣會同文龍公集臣民詢訪勘辦十二月文  
龍申送到彼國公結乞令係統理國事再遣重臣往  
正封典至是遂  
封係為國王

## 地震

兩京鳳陽蘇松淮  
揚泗漣同日俱震

## 魏忠賢提督東廠

初神宗末刑罰弛縱而廠衛緝事亦漸稀簡詔獄至  
生青草及是忠賢以司禮秉筆領東廠事車馬儀衛

魏忠賢竊弄魁  
柄稔惡已盈顧  
此時雖衆正不  
容羣奸漸進而  
刑獄之柄尚在  
南司故縱動于  
惡而無由自逞  
迨蓄憤益甚遂

欽定四庫全書

卷三十二

僭擬乘輿已而任用田爾耕掌衛事許顯純為鎮撫理刑羅織無遺鍛鍊殘酷厥衛之毒于斯而極矣

質實

田爾耕任邱人許顯純定輿人

括天下庫藏輸京師


葉向高言郡邑庫藏已竭藩庫稍餘倘盡括之猝有如山東白蓮教之亂將何以應帝不納

藉東廠以立威于是緝捕之權一歸掌握許顯純輩又以羅鉗吉綱為之鷹犬爪牙延禍縉紳由茲益烈浸假而廠衛之命儼然與詔旨並行凶狡勢騰將及四載清流幾靡有孑遺嘉宗童駿昏蔽授以大固不足深責而天道昭昭竟不護持善類殆由

明祚將頽故不  
怕假手閹奴以  
辱之毒耶



御定資治通鑑綱目三編卷三十二



總校官舉人 且章維桓

校對官編修 且羅修源

謄錄監生 且王崇綱